

শুভ-প্রবেশ

(নাটিকা)

কালীন্দ্র

প্রকাশক :
উষা পাবলিশিং হাউস
৩৪, মহিম ৩ নং স্ট্রীট,
কালীঘাট, কলিকতা

দাম সাত টাকা

প্রণয় :— শ্রীমৎ . . .
দি বৈদিক প্রেস লি.
৩৪নং মহিম হাট
কালীঘাট, কলিকতা

— গৃহ প্রবেশ —

সকলের ভাণ্ডো লাগুক জ'র না বা শুক

তাতে কিছু গার আসে না, আমার

মাগের ভাণ্ডো লেগেছে।

অতএব মা'কে এটা

প্রেরণা দিব।

নাটক পেশাদার বজালয়ে অভিনীত হটলে তবেই তাহার প্রথম অভিনয়কে প্রথম অভিনয় বলিতে হইবে, আর সখের দলের অভিনয় কিছুই নহে, ইহা আমি মানি না ।

আমার প্রথম নাটকের প্রথম অভিনয় সখের দলের দ্বারা হইয়াছে, এ কথা আমি সানন্দে স্বরণ ও স্বীকার করি ।

পরে ষাঁহারা অভিনয় করিয়াছেন, এবং চমতো করিবেন, তাঁহারা প্রথম অভিনেতাদের অপেক্ষা ভালো অভিনয় করিতে পারেন, কিন্তু প্রথম হইতে পারিবেন না ।

আমার পাড়ার ছেলেরা গেরো ঘোগীকে ভিক্ষা দিতে কুষ্ঠিত হয় নাই । সেই ছেলের নামাবলী সংগোবনে গাথে দিয়া গৃহ-প্রাণ আয়ু প্রকাশ করিল ।

৯৩/১, মার্কেটাইন মেন.

কলিকাতা

ঐপক্ষী ১৩৫৫

কানাই বসু

প্রথম অভিনয় সন ১৩৫০ সালের ২০ শে কার্তিক শনিবার

প্রসন্ন—শ্রী কামাখ্যা বসু

ব্রাহ্মণ—শ্রী পরিতোষ মিত্র

পূর্ণাণ—শ্রী কামসুন্দর বসু

সুকুমারী—শ্রী প্রভাত ঘোষ

নিখিলেশ—৩ বৈষ্ণনাথ বসু

মহালক্ষ্মী—শ্রী বিমল বন্দ্যোপাধ্যায়

বসু—শ্রী হীরামাল বন্দ্যোপাধ্যায়

মুটে—শ্রী শশিস দত্ত

ভগা—৩ ভোলানাথ পাল

খোকন—শ্রীমান তারকনাথ পাল

জলে—শ্রী দেবীচরণ বসু

ডাকু—শ্রীমান নিম্মলেন্দু ধর

চরিত্র লিপি

প্রসন্ন ... গৃহস্থামী

খোকন

পূর্ণাণ ... প্রসন্নর কনিষ্ঠ ভ্রাতা

ডাকু

নিখিলেশ ... ইহাদের ভগ্নীপতি

জলে, ব্রাহ্মণগণ ও মুটে

ভগা ... ভৃত্য

সুকুমারী... প্রসন্নর স্ত্রী

বসু ... দরিদ্র বৃদ্ধ

মহালক্ষ্মী... প্রসন্নর ভগ্নী

(নিখিলেশের স্ত্রী)

গৃহ-প্রবেশ

—(১০১)—

আদি

প্রভাত। যবনিকা উঠবার কিছু পূর্বে ভিতর হইতে একটি গান শুনিতে পাওয়া যাইবে। বৈরাগী ভিখারীর ভজন গানের মতো। গানটি যখন ছই এক পদ গীত হইয়াছে তখন যবনিকা উঠিল। নেপথ্যে গান চলিতে লাগিল।

এক সঙ্গপ্রস্তুত নূতন বাটীর বৈঠকখানা। আসবাবপত্র এখনো সুনিষ্কৃত হয় নাই। একটি সোফা, একটি ছোট টেবিল, খান ছই তিন চেয়ার। টেবিলের উপর স্বেদে বাধানো একতাড়া ছবি দড়ি-বাধা রহিয়াছে, দেয়ালে উঠবার অপেক্ষায়। ইহা ছাড়া ঘরের একোণে ও-কোণে আরও কিছু কিছু দ্রব্য থাকিতে পারে, যেমন ছোট টিপস, পামগাছের মাটির টব ইত্যাদি।

গান শেষ হইবার পর নেপথ্যে গৃহস্থানী প্রশ্নবাবুর উচ্চ কণ্ঠ শুনা গেল—

প্রসন্ন (নেপথ্যে)—

‘‘রে, বাবাজী চলে গেল না কি? ও ভগ্না, কেখিন, কেবলকর দিনে কারকে কেবাস নি যেন।’’ ভগ্না-না-না—

তাঁহার স্বর ক্রমে দূরে চলিয়া গেল !
কয়েক সেকেন্ড পরে ভৃত্য জগা একটা বড়
কার্পেট অতি কষ্টে মাথায় করিয়া আনিয়া
ঘরের প্রায় মাঝখানে ফেলিল। তারপর
কোমরে বাধা গামছা খুলিয়া মুখ মুছিতেছে,
এমন সময়ে পুনরায় অন্তর হইতে প্রসন্নবাবুর
“জগা, জগা” চীৎকার আসিল। জগা
বিরক্তভাবে বলিল—

জগা

নাঃ, আর তো পারি না বাবা। তোর থেকে আরম্ভ
হয়েছে খালি জগা জগা আর জগা। আর যেন চাকর নেই
বাড়ীতে।

আবার ডাক আসিল—

জগা-না-না।

জগা

আজ্ঞে যাই।

ঘরের পিছন দিকের দরজা দিয়া জগা
ভিতরে চলিয়া গেল। পরক্ষণে একপাশ হইতে
বাস্তভাবে প্রসন্নবাবুর প্রবেশ

প্রসন্ন

কোথায় গেল আবার? এই যে সাড়া দিলে। বেটা
অমনি পালিয়েছে। নাঃ, একে নিয়ে আর চলবে না। এই
হ্যান্ডামটা চুকে গেলেই দেব বেটাকে—[কার্পেটে পা ঠেকিতে
চমকিয়া] আরে, এ কার্পেটটা এখানে ফেললে কে? এটা যে
আমি ওপোরের হলঘরে পাতবার জন্তে...ওরে জগা—তাই তো
বেটা পাল্যলো নাকি?

ব্যস্তভাবে প্রহান

এসন্নাবুন স্ত্রী সুকুমারী ও ছোট ভাই
পৃথীশের প্রবেশ। পৃথীশের গালে সাবানের
ফেনা, ডান হাতে দাড়ী কামাইবার ব্রাশ, বাম
হাতে দেশলাই ও সিগারেটের প্যাকেট।
বামহাত সুকুমারীর দৃষ্টির অন্তরালে রাখিবাব
চেষ্টা পরিস্ফুট।

পৃথীশ

এখন আমি পাববো না, কিছুতেই পাববো না। এখনো
মার্কেটে যেতে বাকী, মাংসটা সকাল সকাল না এনে ফেলতে
পারলে—সে মত মুশ্কিল হবে।

সুকুমারী

লক্ষ্মীটি ভাই, তোমার দাদা শুনলে আমাকে একেবারে
খেয়ে ফেলবেন—

পৃথীশ

খবরদার! দাদার নিন্দে এমন কি বৌদিদির মুখ থেকে
হলেও আমি সহ্য কবব না। খেয়ে ফেলবার মানুষ আমার
দাদা নন।

সুকুমারী

কিন্তু খেয়ে ফেলনার কথাই যে ভাই। আমি কাল একেবারে
ভুলে গেছি তোমাকে বলতে। লক্ষ্মী দাদা আমার, বাসে করে
যেতে আসতে তোমার আধ ঘণ্টার বেশী লাগবে না।

পৃথীশ

আধ ঘণ্টা? কোথায় বাসীগঞ্জ আর কোথায় বাগবাজার,
যেতেই তো এক ঘণ্টার বেশী লেগে যাবে।

সুকুমারী

কিন্তু না গেলে তো চলবে না ভাই। তবে কী হবে ;
লক্ষ্মী ঠাকুরপো—

বোদিদির মুখের তসতায় ভাবটি লক্ষ্য
করিয়া পৃথ্বীশেব সুর নরম হইল

পৃথ্বীশ

খাক, আর তোমার লক্ষ্মী লক্ষ্মী করতে হবে না। জানি,
সকালে উঠে যখন ঐ জগা বেটার মুখ দেখেছি, তখন কি আর
কোন কাজ আজ প্লানমত হবে। আর তুমি মেয়েটি, দেখতে
ভালো মানুষটি, কিন্তু যেটি ধরবে সেটি না করে ছাড়বে না।
Most cadaverous—I beg your pardon, বল, কী
ঠিকানা ফিকানা আছে বল।

সুকুমারী

এই যে ভাই, পাছে আজও আবার ভুলে যাই ভাই ভোর
বেলাতেই কাগজে ঠিকানা লিখে আঁচলে বেঁধে রেখে তবে
আর কাজ।

তাড়াতাড়ি আঁচল হইতে কাগজ খুলিতে লাগিল

পৃথ্বীশ

আজকের দিনটা ভুলে যে আমি বাঁচতুম। তা ভুলবে
কেন ? (কাগজ লইয়া ও পড়িয়া) কিন্তু এ পরেশ চাটুঘোটি কে
বল দিকি ? আমি তো চিনতে পারিচি না। দাদার বন্ধুদের
তো আমি সবাইকেই চিনি।

সুকুমারী

না, না, ইনি তোমার দাদার বন্ধু নন। এঁর ছেলের সঙ্গে

তোমার দাদার ছোট বেলায় খুব ভাব ছিল। আহা, সে ছেলে এখন আর নেই। ইনি পশ্চিমে কোথায় বাবসা করতেন, সম্প্রতি কোলকাতায় ফিরে'চেন। খুব পয়সাওলা লোক কিন্তু শুনেছি কোন বড়মানুষি চাল নেই।

পৃথ্বীশ

বটে? তা বেশ তো, আমাকে পুষ্টিপুস্তুর নিক না বুড়ো। অত পয়সা খাবে কে?

সুকুমারী

দূর। কী যে বল। তাঁর আবিষ্কারে চলেমেয়ে আছে। তবে সেই ছেলেটি যাবার পর থেকে ইনি তোমার দাদাকে বড় ভালবাসেন। দেশে এসেছেন শুনে তোমার দাদার বড় ইচ্ছা এই গৃহ-প্রবেশ উপলক্ষে তাঁকে আনেন। পরেশবাবুও বিদেশ থাকতে চিঠি লিখেছিলেন তোমাদের বাড়ী তৈরী হলে দেখতে আসবেন।

পৃথ্বীশ

দেখ দিকিনি। কাল ওদিক পানে সেই গিয়েছিলুম নেমস্তম্ভ করতে—তখন যদি বলতে—

সুকুমারী

বড় ভুল হয়ে গছে ভাই। আমার কী মাথার ঠিক আছে, এই সাত বাক্যে ..

পৃথ্বীশ

কবেই বা তোমার মাথার ঠিক ছিল? পাগল কি তুমি আজ হয়েছ?

সুকুমারী

তা তো বটেই গো। আর গো ভাত গাইয়ে দিতে বৌদিষ্টিকে
দরকার হয় না, কাপড় জামা নি কিছুই পড়ে নিগেছ, এখন আমি
তো পাগল ছাগল হবই। তাই না বান বাপু, এবাব একটি
বিছনী মহিলা-টহিলা নিয়ে এস, এনে মদ্রাণ সংসাব চালাও।

পৃথ্বীশ

হঁ।

সুকুমারী

সত্যি ঠাকুরপো, সুরেনবাবু কালও এসেছিলেন, তাঁব
মেয়েটি এবাব মাট্টিক পাশ করেছে—

পৃথ্বীশ

আবার পাগলামী সূক হল তো? তাহলে তোমাব
বাগবাজারে ঐ সুরেনবাবু নরেনবাবুকেই পাঠাও, আমি চল্লুম
নিউ মার্কেট।

সুকুমারী

না, না ভাই। সুরেনবাবু আসেন নি, কেউ আসেন নি।
তুমি বাগবাজারটা সেবে তারপরে যত খুশী মার্কেটে যুরো ভাই।
আমি চলি, ছিষ্টির কাজ গাড়ে বয়েছে। হোমের যোগাড়
রান্নাব যোগাড় কিছুই হয়নি।

পৃথ্বীশ

তবে ঘটকালী বেখে তাই যাও না। আমি এই দাড়িটা
কামিয়েই বেরোচ্ছি। সত্যি তোবে ও-বাড়ীতে আর এটা
হয়ে উঠলো না।

সুকুমারী

হলে তুমি মন করে যেও, কেমন? আমি নিশ্চিত
রইলুম, যাঁা?

পৃথ্বীশ

হ্যাঁ গো হ্যাঁ, তুমি যাও না। তোমাদের পরেশবাবুকে
আমি ধরে নিয়ে আনতে হয় তাও আনব। তুমি নিশ্চিত
থাক। মনে কর পরেশবাবু এসে এই এখানে বসে আছেন,
যাও।

সুকুমারীর প্রধান

সিগারেটটা নেই থেকে ধবাত পারছি না। সাবানটা গেল
শুকিয়ে।

পৃথ্বীশ সিগারেট ধরাংতেছে, এমন সময়
জগা এক ছাব দিগা প্রবেশ ও অল্প দ্বার
দিগা প্রধানের উন্মোগ

পৃথ্বীশ

কী রে কোথায় চালা! জগা দাড়াইল। কাপেটটা কি
এখানে ফেল রাখব জন্তে নাচে আনতে বল্লুম?

জগা

আজ্ঞা না ছোটবাবু, এই এসেই সব বরে ফেলছি। বড়বাবু
ডাকচেন কেন শুনেই আসচি।

পৃথ্বীশ

আর এগুলো সব সাজিয়ে ফেলবি, যেমন যেমন বলে দিয়েছি।

জগা

আজ্ঞে হ্যাঁ, সব ঠিক কবে ফেলচি।

উভয়ের বিপরীত দিকে প্রধান

প্রসন্নবাবুর পুত্র খোকন ও ডাকুর প্রবেশ

ডাকু

(কার্পেট দেখাইয়া) দাদা দাদা, এই দেখ এইটে, আমাদের পাহাড় হবে, কেমন ? এই দিকটা আমার। এইখান থেকে এইখান থেকে—এ-ই খান থেকে এ-ই পর্য্যন্ত। আর তোমার ঐ দিকটা, যাঁগা ?

খোকন

বা রে, বেশ ছেলে ! নিজে ভালো দিকটা সব নেবে। আবদার ! (নেপথ্যে প্রসন্নবাবুর—“জগা” ও জগার—“আজ্ঞে যাই।”) সেটি হচ্ছে না। আমি এই ওপোরটা নোবো। এই চুড়োটা আমার, আর এই খানটা—আর এই খানটা। তোর নিচের দিকটা সব।

ডাকুর পছন্দ হইল না, সে মুখ ভার করিয়া
সরিয়া দাড়াইল

খোকন

হ্যাঁ হ্যাঁ, ঠিক হয়েছে। আমি যেন এই পাহাড়ের ওপোরে ছুর্গ করেছি, আর তুই যেন নিচের থেকে যুদ্ধ করতে করতে আসছিস আমার ছুর্গ কেড়ে নিতে। যাঁগা, কেমন ?

ডাকু

(আগাইয়া আসিয়া) ছুর্গ কী দাদা ?

খোকন

ছুর্গ কী জানিস না ? ছুর্গ রে, ছুর্গ।

ডাকু

ও বুঝিচি। আচ্ছা, ছুর্গ মানে কী দাদা ?

খোকন

দুর্গ মানে হল—ইয়ে, মানে, দুর্গ মানে—

জগার প্রবেশ

জগু, তুমি দুর্গ মানে জানো ?

জগা

কোথায় গেলেন ? নাঃ, আব পাবি না—

খোকন

কী বল তো ?

জগা

এই তোমার বাবা ।

খোকন

খ্যেৎ, দুর্গ মানে বুঝি আমাব বাবা । বাঃ বেশ বণোছ ।

ছেলেদেব হাণ্ড

ডাকু

আমি বলব ? দুর্গ মানে দুর্গ্গা ঠাকুবের বর, না দাদা ?

খোকন

খ্যেৎ, দুর্গ্গা ঠাকুরের বব তো শিব আর মহাদেব । দুর্গ
মানে হল—হল ..য়্যাম, দুর্গ মানে—কেলা, কেলা ।

ডাকু

ও, বুঝোচি । তুমি বুঝতে পেরেছ জগু ? কেলা গো ।
সেই যে গড়ের মাঠে সব বড় বড় কালো কালো খুঁটা আছে,
চারদিকে স্নতো বাঁধা ? উঃ কি উঁচু খুঁটা । হ্যাঁ দাদা ঐ
খুঁটাতে ঘুড়ি আটকে যায় না ? যদি একটা ঘুড়ি যদি কেটে
গিয়ে যদি উইখান দিবে যেতে যেতে যদি...

জগা ইতিমধ্যে কার্পেট পাতিতেছিল। এমন সময় বাহিরে মোটরের হর্ণ শোনা গেল। ছেলেরা কথা কহিতে কহিতে জানলা দিয়া বাহিরে চাহিয়া মোটর দেখিয়া জানালার কাছে গেল এবং “ওবে মাসিমা এসেছে, এই পিণ্টু, এই যে আমি, এই বে, আরে খোকাটা কী মোটা হয়েছে যে বাবা!” বলিতে বলিতে ছুটিয়া বাহির হইয়া গেল। অন্তর হইতে প্রসন্নবাবু হাপাহতে হাপাইতে প্রবেশ করিলেন

প্রসন্ন

আরে, এই যে জগা! কোথায় থাকিস বল তো তুই? সকাল থেকে ডেকে ডেকে—

জগা

আজ্ঞে, আমি তো সাড়া দিচ্ছি বাবু, এই তো এ ঘরে...

প্রসন্ন

মিছে কথা বল না জগা। আমি এই এক মিনিট হয়নি এখানে দেখে গেছি। থেকে থেকে সাড়া দিস, আব পালিয়ে বেড়াস। তোকে দিয়ে আব—(বলিতে বলিতে কার্পেট পাতিতে সাহায্য করিতে লাগিলেন) এদিকটা যে বেঁকে গেল। আর একটু টেনে নে, আর একটু ডানদিকে। বাস, বাস। ওঃ, কী খুলো হয়েছে দেখ দিখি। একেবাবে বাইরে থেকে পেতে জানতে পারলি না?

জগা

আজ্ঞে বাইরে থেকে পেতে...সে কী রকম হবে?

প্রসন্ন

আহা, পেতে আনবি কেন, বাইবে থেকে ঝেড়ে' ছানতে বলছি।

জগা

আজ্ঞে হাঁ, এই তো ঝেড়ে আনছি বাবু।

প্রসন্ন

হঁ, সে তো দেখতেই পাচ্ছি। যত কাঁকিবাজ জুটেছে। যাও, কাঁটাটা নিয়ে এসো দিকি।

জগার প্রস্তান

প্রসন্ন

আব শোন, জগা, জগা--

জগার পুনঃ প্রবেশ

তোকে যে জন্তে ডাকছিলুম তাই বলি। বলছি কি—তুই ইয়ে হয়েছ—তোকে—এই দেখ, কী বলতে এলুম ভুলে গেছি। দরকাবের সময় তাদের তো পাওয়া যায় না...যত সব হয়েছে...

বিবক্র ভাবে পদচারণা করিতে লাগিলেন। জগা উৎসুক হইয়া কয়েক মুহূর্ত অপেক্ষা করিয়া ভিতবে ঘাটতেছিল, প্রসন্নবাবু দেখিয়া বলিলেন—

প্রসন্ন

কোথা চলি ?

জগা

আজ্ঞে, কাঁটাটা আনি—

প্রসন্ন

ঠ্যা, বাঁটাটা নিয়ে এসে বেশ কবে কার্পেটটা—ভাল কথা, তুই এ কার্পেটটা এখানে পাঠলি কেন? এটা আমি এনেছি ওপবেব চলঘবেব জন্মে, তোব মুড়ুলি কবে, সাত সকালে এটা এখানে পাতবার কী দরকার পড়েছিল?

জগা

আমি কেন মুড়ুলি বব্ব বার? ছোটবাবু বলেন...

প্রসন্ন

ছোটবাবু আবার কী বলেন? বাজে বকিস্ নি। যা, এটা ওপোবে নিয়ে যা, বুঝলি?

জগা

আবার ছোটবাবু বলবেন নিশ্চ নিয়ে যা।

প্রসন্ন

ছোটবাবু আবার কী বলবে বে? বলবি আমি বলেছি, যা।

জগা

যে আজে।

জগা কার্পেট গুটীতে শুক করিল। প্রসন্নবাবুর প্রশ্ন

জগা

এ নকম কবলে কখনো কাজ এগোয়? একজন বলবেন ঠ্যা, তো আবি একজন বলবেন, না। এক কাজ সাত বার কবে করে। এত কাজ পড়ে রয়েছে, কখন যে সারব তার ঠিক নেই।

জেলের প্রবেশ

জেলে*

মাছ কোথায় রাখবো? শুনে শুনে, সে, মাছ কোটার জায়গাটা কোথায় হয়েছে দেখিয়ে দাও তো ভাই। একেবারে সেইখানেই সব ঢালিয়ে দি।

জগা

কী মাছ গো?

জেলে

সে, কী মাছ জেনে তোমার কী হবে? সে তোমাদের কি এক এক বকম মাছ কোটার এক একটা জায়গা হয়েছে নাকি?

জগা

না ভাই বলছি। বলি, ভাগ মাছ এনেচো তো? না কি রেলের মাছ...

জেলে

সে সব কারবার সাগর বিশ্বেসেব কাছে পাবে না। নতুন বাজারের সাগর বিশ্বেসের নাম শুনেছ তো? শালাব রেলের মাছ যে পথ দিয়ে হাঁটে সে পথে আমি হাঁটি না।

জগা

তাতো বটেই। সে কি আব জানি না।

জেলে

সেলাই আছে দাদা?

জগা

সেলাই? কোথা?

* জেলের জিহ্বার 'শ', 'ষ' ও 'স' নাই, আছে 'ঙ' এবং 'নু' এবং স্থান অধিকায় ক্ষেত্রে 'ল' গ্রহণ করিয়াছে।

জেলে

ম্যাচিস্ গো ? ম্যাচিস্ নেই ?

পকেট হাতে বিড়ি বাহির করিল ।

জগা

ও, দেশলাই । এই বে । (দেশলাই দিল)

জেলে

(দাঁতে বিড়ি চাপিষা) দাদা, তোমাদের বাপ দাদার আশীর্ব্বাদে টাটকা মাছ এক এই শস্যার কাছেই পাওয়া যায় । শালার সাপুবে সাতটা বিল লিস্ নেওয়া আছে । তাবপর বারাসতে, একটা সাড়ে সাত বিঘে, সে শালা স্মুদু বুলেই হয় । শালা মাছের ভাবনা । (বিড়ি ধরাইয়া) পাছে লোকে বলে রেলের মাছ, তাই তিনটে লুবি বেখেছি দাদা । সেবারে নবীন সবকাবের নাতনিব বেতে—শালার লুবি গেল মাঝ রাস্তায় বিগড়ে । আমি বল্লুম বও শালা । দিলুম গরুর গাড়ীতে মাছ তুলে । শালা মাছ পৌঁছুলো সেই বাসি বের দিন সন্ধ্যার সময় । নবীনবাবু বেগে লাগ, বলে পসা ছবো না । বল্লুম দিওনি পসা । সে পসার জন্তে সাগর বিশ্বেস কিযাব কবে না । বাবু, পুকুরের জিয়ারস্ত মাছ, পরশু বাস্তিবে নিজে ধবেছি, সে মাছ আমি তা বলে রেল পাঠিয়ে নাম খারাপ করতে পারি না । পসা লুবো মাল ছবো, সে পুকুরের মাছ বলে বাযনা নিয়ে বেলের মাছের কারবার করতে তো পারবো না ।

জগা

তা তো বটেই । তারপর ? সে মাছ কী হল ?

জেলে

কী আবার হবে ? বল্লুম বাবু, বে হয়ে গেছে তা কী হয়েছে ?
কাল বৌভাত আছে, টাটকা মাছ, দিন ফুলশস্যের সঙ্গে
জামাই বাড়ী পাঠিয়ে। সাগর বিশ্বেসের মাছ, পাতে দিলেও
নড়বে, হ্যাঁ। হাঃ হাঃ হাঃ হাঃ।

জগা

দেখ, ভাল কথা মনে পড়েছে। তোমার তো নিজের
পুকুর ?

জেলে

সে পুকুর ফুকুর আমার নেই দাদা, বল সুমুদুর, সুমুদুর।

জগা

হ্যাঁ, হ্যাঁ, সমদুর। তা দেখ সাগর ভাই, তুমি এক জায়গায়
কিছু—

জেলে

সে ক'মণ চাই বল না দাদা। পাঁশগো লোক রসিয়ে
নাও, সব পাতে যদি গোটা গোটা রুই মাছের মুড়ো না
সাজিয়ে দিতে পারি তো আধখানা গাঁফ কামিয়ে ফেলবো।
কোথায় কাজ বল দিকি ভাই ?

জগা

সে কাজ তেমন কিছু নয়, মানে...জ্যাস্ত চাই কিনা।

জেলে

কিছু বলতে হবে না দাদা, সে তুমি টেরাই করে নিও।
তবে দর আমার কিছু বেশী—আগে থেকেই বলে দিচ্ছি,
গোমার খুশী হয় নাও, নয়তো সোজা সুড়ক আছে সিধে চলে

যাও। কিন্তু দর কমাতে বোলা না ভাই, মারামারি হ'য়ে
যাবে। বিশেষ না হয় এই পোনের বাবুকেই জিজ্ঞেস করো।

জগা

দরের জন্তে ভেবো না, পয়সা যত লাগে পাবে ভাই,
আমার আগেকার মনিব বাড়ী—মস্ত লোক...

জেলে

বলি, কবে কাজ ? বিয়ে তো ? ক রকম মাছ কোরবে ?
পোনা, চিংড়ি আর তেটকি মাছেব ফেরাই, কেমন ? দেড়মণ
ক'রে ?

জগা

না বিয়ে নয়, বাবুর শাস্তি ডাব—

জেলে

চতুর্থী ? তাহনে ওর সঙ্গে পার্শে মাছ। সে দেখে নিও
দাদা, ইয়া বড় বড় পার্শে মাছ, তেনে টইটুম্বর। শাস্তি ডি
সগুগে বসে হাসবে, হ্যাঁ। হাঃ হাঃ হাঃ...

জগা

না না, সে সব কিছু নয়। শাস্তি ডির চোখেব অস্থখ,
কোব্‌রজ বলেচে বোজ জাগু গেঁড়ী ছুটো ক'রে—মানে
জলটা—

জেলে

গেঁড়ী ? ছুশ শালা।

জগা

হ্যাঁ ভাই, কিন্তু আসল শব্দ গেঁড়ী হওয়া চাই। সমুদ্রের
হলেই ভাল হয়—

জেনে

হাস্তোর সমুদ্রের শব্দ গেঁড়ীর নিকুচি করেছে। চলো চলো,
মাছের জায়গাটা দেখিয়ে দেবে চলো।

জগা

চলো ভাই...

উভয়ের প্রস্থান

বাহিরে বাইবার জন্ত প্রস্তুত হইয়া পৃথীশের
প্রবেশ ও তাহার প্রস্থানের পূর্ব মুহূর্তে
সুকুমারীর প্রবেশ।

সুকুমারী

ভালো কথা, ঠাকুরপো

পৃথীশ

আবার কী? টালিগঞ্জ যেতে হবে, নেমস্তন্ন করতে?

সুকুমারী

না, না, টালিগঞ্জে তো নয় ভাই, এইখানেই।

পৃথীশ

বলো কী! সত্যিই আরও নেমস্তন্ন বাকী রয়েছে?

Hopeless!

সুকুমারী

লক্ষ্মীটা ঠাকুরপো, ভাই রাগ কোরো না, লক্ষ্মীটা।

পৃথীশ

থাক্ আর তোমার মস্তুর বাড়তে হবে না। বলো কোথায়
যেতে হবে। মাংস না হয় বাড়ই থাক্।

সুকুমারী

না, না, এ বেশী দূরে যেতে হবে না। কিন্তু, ভাবছি তুমি রাগ করবে না তো ?

পৃথ্বীশ

কী আশ্চর্য্য। আমি রাগ করব কেন ?

সুকুমারী

আচ্ছা, তোমার সঙ্গেই পরামর্শ করি। তুমি যদি মত দাও তো হবে। তবে তুমি যেন আপত্তি কোরো না ভাই।

পৃথ্বীশ

বাঃ, বেশ মত চাওয়া তো তোমার। আমার মত না হলে সে কাজ করবে না—অথচ আমার আপত্তি করাও চলবে না, মন্দ নয়। তা কী ব্যাপার বলো তো ?

সুকুমারী

দেখো ভাই, আমার অনেক দিনের সাধ, বাড়ী তৈরী হবার সময় আসতুম, তখন থেকে মনে করে রেখেছি, তোমরা রাগ কোরো না—

পৃথ্বীশ

কী মুশ্কিল। রাগ কোরবো কেন ? কী তোমার ইচ্ছে বল না বৌদি, আমি বলছি যদি নেহাৎ অসম্ভব না হয়, তো তোমার ইচ্ছে পূর্ণ করার ব্যবস্থা আমি কোরবো।

সুকুমারী

না না, অসম্ভব কেন হবে ?

পৃথ্বীশ

আচ্ছা তবে বলে ফেলো বৌদি, লক্ষ্মীটা।

সুকুমারী

ভাই ঠাকুরপো, ঐ যে রাস্তার ওপারে বস্তীটা না ?
ঐ বস্তীর লোকদের তুমি নেমস্তম্ব করে এসো ভাই ।

পৃথ্বীশ

বস্তীর লোকদের নেমস্তম্ব ! ক্ষেপেছ নাকি ?

সুকুমারী

কেন হবে না ? বস্তীব লোকেরা কি মানুষ নয় ? আর তুমি
যা মনে করছ তা নয়—এটা ছোট লোকের বস্তী নয়, আমি
খবর নিয়েছি । সব ভদ্র গেরস্ত লোক । গরীব বলেই খোলার
বাড়ীতে টিনের বাড়ীতে থাকে ।

পৃথ্বীশ

তা না হয় থাকে, বুঝলুম, তাবা, ভদ্রলোক, গেবস্ত লোক,
সবই বুঝলুম কিন্তু তোমার সঙ্গে তাদের কী সম্বন্ধটা ?

সুকুমারী

কেন, পাড়া প্রতিবেশী সম্বন্ধ ।

পৃথ্বীশ

হাঃ, হাঃ, হাঃ, হাঃ! পাড়া প্রতিবেশী ? তবে এক
বেলাও কাটেনি যে এখনো—(হাসিতে লাগিল)

সুকুমারী

হাসির কথা এতে কিছু নেই ঠাকুরপো । এই পাড়াতে
বাড়ী করে বাস করতে এসেছ । তোমরা না মনে করতে পার,
কিন্তু তোমাদের ছেলে পুত্রদের কাছে এইটেই হবে ভিটে, তোমরা
অবিশি এখনও অনেক দিন পর্যন্ত বাড়ী বলতে সেই পুরোনো
বাড়ীর কথাই ভাববে । পাড়া বলল তোমাদের সেই পুরোনো

পাড়াটাই মনে পড়বে। কিন্তু তা তো আর চলবে না ভাই। আমরা সে-পাড়ার লোকদের নেমন্তন্ন করে এনে খাওয়াবো-দাওয়াবো ; আমোদ আচ্ছাদ করব, আর এ-পাড়ার লোক, সামনের বাড়ীর, পাশের বাড়ীর ছেলেমেয়েরা ফ্যাল ফ্যাল কবে চেয়ে থাকবে, কেন ভাই ? আমরা তো এখানে তিনদিনের জন্তে বাড়ী ভাড়া নিয়ে বিয়ে থা দিতে আসিনি, আমরা এসেছি এখানেই বসবাস করতে—

পৃথ্বীশ চুপ করিয়া বহিল

সুকুমারী

তুমি ভেবে দেখ ভাই ঠাকুরপো—

পৃথ্বীশ

ভেবেই দেখছি বৌদি। তোমার কথাগুলো এত সত্যি, আর এত চমৎকার সত্যি যে আমি আশ্চর্য্য হয়ে যাচ্ছি তোমার বুদ্ধি দেখে। সত্যি, আমরা যদি এ পাড়ার লোককে পাড়ার লোক বলে ভাবতে না চাই, তা হলে তো আমরা এদের কাছে যাংলো-ইণ্ডিয়ান হয়েই থাকব।

সুকুমারী (সোৎসাহে)

বল তো ভাই, আপনে বিপদে আদেক রাস্তিরে এদের কব না তো কি শ্যামবাজার ভবানীপুর টেলিফোন করে--

পৃথ্বীশ

আর বলতে হবে না বৌদি, আর বলতে হবে না, আমি বুঝতে পেরেছি।

সুকুমারী

(পৃথ্বীশের সমর্থন পাইয়া উৎফুল্ল হইয়া) আরো দেখ ভাই

ঠাকুরপো, বড়লোকদের কথা ছেড়ে দাও, যারা মধ্যবিত্ত গেরস্ত, তারা অনেক নেমস্তন্ন খায়, অনেক ভাল মন্দ খেতে পায়। আর যারা একেবারে কাঙ্গালী, মেথর, ভিথিরি, তারাও চেয়ে মেগে ভাল খাবার বথেষ্ট খায়। কিন্তু যারা গরীব অথচ উদর লোক, পয়সার অভাবে এই স্বকম টিনের বাড়ীতে থাকে, তাদের ছুবেলা ছুমুঠো শাক-ভাত ছাড়া আর কিচ্ছু জোটে না, তাদের ছেলে মেয়েরা—

পৃথীশ

লোকের বাড়ীর দোর-গোড়ায় গিয়ে হাত পেতে দাঁড়াতেও পারে না, আর ভেতরে নিমন্ত্রিতের ফরাসে গিয়ে বসবার অধিকারও তারা পায়নি। ঠিক, ঠিক, খুব ঠিক কথা।

সুকুমারী

(খুশী হইয়া) তা হলে তুমি ওদের বাড়ী গিয়ে বলে আসবে তো ঠাকুরপো, য্যা ? ভাল করে বলতে হবে তাই—

পৃথীশ

(কৃত্রিম গাভীর্যের সহিত) তা—ব—ল—তে পারি, যদি তুমি একটা কাজ করতে পার।

সুকুমারী

(সাগ্রহে) কী কাজ, কী কাজ ? বল। আমি ঠিক করব।

পৃথীশ

উঁহ, সে তুমি পারবে কি ?

সুকুমারী

(ভয় পাইয়া) কেন তাই, সে কি খুব শক্ত কাজ ?

পৃথ্বীশ

হঁ, তা একটু,—একটু কেন, বে—শ একটু শক্ত বই কি।

সুকুমারী

কী ভাই ঠাকুরপো ? বল না—

পৃথ্বীশ

নেমন্তন্ন করতে পারি, যদি চট করে ছাতাটা পাঠিয়ে দাও।

সুকুমারী

(হাসি মুখে) চালাকি হচ্ছিল আমার সঙ্গে, না ? এমনি ভয় পাইয়ে দিয়েছিলে ! বাবাঃ ! আমি বলি কী না কী।

পৃথ্বীশ

এই তো দেরী কচ্ছ ! তবে আর হল না।

সুকুমারী

না না, এই যাচ্ছি, তোমার ছাতা পাঠিয়ে দিচ্ছি।

ক্রম প্রস্থান

পৃথ্বীশ সিগারেট ধরাইল। জগার প্রবেশ।
জগা কার্পেটে হাত লাগাইতে পৃথ্বীশ বলিল—

পৃথ্বীশ

কী রে জগা, তোর সকাল থেকে একটা কার্পেট পাণ্ডা শেষ হল না ? কী যে করিস্ তার ঠিক নেই। নে নে চটপট সেয়ে নে।

বেদিক গুটানো ছিল পারে করিয়া খুলিতে
লাগিল। জগা দেখে নাই, সে অপর দিক
গুটাইতে লাগিল।

জগা

(হঠাৎ দেখিলে পাইয়া) ও কী করছেন, ছোটবাবু ?

পৃথ্বীশ

(চমকিয়া) য্যা ?

জগা

আপনি আবার—

পৃথ্বীশ (ফিরিয়া)

তোমার যে আঠারো মাসে বছর। নে, নে, শীগ্গির
শীগ্গির পেতে দিয়ে যা, এই কার্পেট পাতা নিয়ে সারা
বেলা কাটিয়ে দিলি...

[আবার খুলিতে লাগিল

জগা

নাঃ, আমি আর পারি না। (কাছে আসিয়া) এটা
এখানে পাতা হবে না ছোটবাবু। এটা—

পৃথ্বীশ

এখানে পাতা হবে না ? কেন ? তোমার হুকুম ?

জগা

আজ্ঞে, এটা ওপোরে পাততে হবে কিনা। বড়বাবু
বলছিলেন—ওপোরে মেয়েরা আসবেন, বসবেন।

পৃথ্বীশ

মার খেয়ে মরবি দেখছি জগা। ওপোরে কে আসবেন আর
কোথায় বসবেন সে চিন্তা তোকে করতে হবে না, তোকে যা
হুকুম করছি তাই কর। পেতে কেন ঠিক করে।

জগা

(হতাশ হইয়া) যে আজ্ঞে।

পৃথীশ

আর দেখ, ওপোর থেকে আমার ছাতিটা নিয়ে আয়—
বেলা হয়ে যাচ্ছে।

[জগা প্রস্থানোত্তত। নেপথ্যে প্রসন্নবাবুর কণ্ঠ—
ওরে, কে আছিস্, একবার ভটাচার্জি মশাইকে ডেকে
দে তো, আর কী চাই, একবার দেখে নিন।”

বলিতে বলিতে মধ্যের দরজা দিয়া পটুবস্ত্র-
পরিহিত প্রসন্নবাবুর প্রবেশ। অপর দরজা
দিয়া সেই মুহূর্তে জগার প্রস্থান দেখিতে
পাইয়াহ তিনি তাহার পশ্চাতে গিয়া
ডাকিলেন—

প্রসন্ন

জগা !

জগা

(ফিরিয়া) আশে ?

প্রসন্নবাবু পৃথীশের দিকে পিছন ফিরিয়া
কথা কহিতেছিলেন। পৃথীশের হাতে
সিগারেট ছিল বলিয়া অন্তর্নিক দিয়া সে প্রস্থান
করিল।

প্রসন্ন

তুই পালাচ্ছিলি যে বড় ? যেই আমার সাড়া পেয়েছিস
অমনি পালাচ্ছিস ? তোদের কি কঁাকি দেওয়া আর পালিয়ে
বেড়ানো ছাড়া আর কিছু কাজ নেই ?

জগা

আজ্ঞে না বড়বাবু, পালাবো কেন ?

প্রসন্ন

পালাবো কেন ? পালাচ্ছি স চোখের সামনে দিয়ে, তবু বলবি পালাবো কেন ?

জগা

আজ্ঞে বাবু, ওপোরে যাচ্ছিলুম ছা—

প্রসন্ন

ওপোরেই যদি যাচ্ছিলে, তো কার্পেটটা হাতে করে নিয়ে যেতে পারতে না ?

জগা

কার্পেটটা যে ছোটবাবু বল্লেন নীচেই পা গা হবে ।

প্রসন্ন

তবু তক করে । পাঁশনো বার বলছি নীচে পা গা হবে না, হবে না, হবে না । তবু শুনবে না । ছোটবাবু বলেছে । বলুক ছোটবাবু । ছোটবাবুর চেয়ে আমি বয়সে বড়, তা জানিস্ ?

জগা

(ঘাড় নাড়িয়া) আজ্ঞে হ্যাঁ ।

প্রসন্ন

তবে ?

জগা নিরুত্তর

প্রসন্ন

তবে কী বলতে চাস্ তুই বল ?

জগা

আজ্ঞে না, ছোটবাবু.চেয়ে আপনি বড়, তাতে আর আমার কী বলবার আছে ?

প্রসন্ন

নেই তো ? তবে তরু কর কেন বাবা ? যা বলছি তাই কর ।

জগা

(কার্পেটে হাত লাগাইতে গিয়া আপন মনে) আবার ছোটবাবু আমায় বকাবকি করবেন ।

প্রসন্ন

(শুনিতে পাইয়া) কী ? ছোটবাবু বকাবকি করবে ? আমার কথার ওপোর ছোটবাবু বকাবকি করবে ? ডাক ছোটবাবুকে ।

জগা বাহির হহতে গিয়া ফিরিয়া আসিল

জগা

এই যে ছোটবাবু এসেছেন ।

পৃথীশ প্রবেশ করিল, হাতে ছাতা

পৃথীশ

জগা, তোকে না বলেছিলুম ছাতাটা ওপোর থেকে আনতে ?

জগা

আজ্ঞে, আমি তো যাচ্ছিলুম, বড়বাবু বললেন—

প্রসন্ন

আমি ? আমি তোকে ছাতা আনতে বারণ করলুম ?

পৃথীশ

(ছাতা উঠাইয়া) দেব বেটার মাথা ভেঙ্গে এই ছাতার বাড়িতে । দাদা তোকে ধরে রেখেছিলেন, না ?

জগা

আজ্ঞে না, উনি বলছিলেন—

প্রসন্ন

মুখের ওপোর তরু করোনা জগু ।

পৃথ্বীশের প্রশ্নান

কাজে ফাঁকি দিয়ে কথা দিয়ে ভর্তি করতে যেয়ো না । জেনো,
চালাকির দ্বারা কোনও মহৎ কাজ হয়না । বুঝেছ ? (জগা
নীরবে ঘাড় নাড়িল) যাও ছাতি নিয়ে এসো ।

জগা

আজ্ঞে, ছাতি তো ওঁর কাছে—

প্রসন্ন

ফের তরু কবে ? কোন কথা নয়, আগে ছাতি এনে
তবে এখান থেকে নড়বে । যাও ।

ধীরে ধীরে জগার প্রশ্নান

প্রসন্ন

বেটা পাজির পাঝাড়া । (জানালা দিয়া পৃথ্বীশকে দেখিয়া)
তুমি কি বেবোচ্ছ নাকি পিতু ?

পৃথ্বীশ (নেপথ্যে)

হাঁ

প্রসন্ন

তা বেশী দেবী করো না যেন, অনেক কাজ পড়ে রয়েছে,
কোন দিক যে সামলাবো তা বুঝতে পাচ্ছি না । যেটি নিজে
দাঁড়িয়ে থেকে না করবে, েটি হবেনা, বুঝলে ?

প্রসন্ন একবার বাহির হইয়া গেলেন,
পরক্ষণেই প্রবেশ করিয়া ইতস্ততঃ চাহিয়া
ডাকিলেন “জগা জগা” । জগা ছাতি হাতে
প্রবেশ করিল ।

জগা

এই নিন বাবু ।

প্রসন্ন

ছাতা ? কী হবে ?

জগা

আপনি আনতে বলেন ।

প্রসন্ন

আমি আনতে বল্লুম ? আমি কেন বলবো ? ও, পিতুর
জগা বলেছিলুম বাট । তা সে যে বেবিযে গেল, যা যা দৌড়ে
যা, ছাতাটা দিয়ে আয় ছোটবাবুকে ।

জগা

ছোটবাবু ছাতা নিয়ে বেরিয়েচেন বাবু ।

প্রসন্ন

ছাতা নিয়ে বেরিয়েছে ? তা বেশ, তাহলে ছাতাটা বেখে
আয় বাবা, রেখে তুই একবার ইয়েটা কবে কেল । কী
বলছিলুম—হ্যাঁ আগে কার্পেটটা ওপরে বেখে দিয়ে আয় দিকি ।

জগা ছাতা রাখিয়া কার্পেট গুটাইতে
লাগিল, প্রসন্নবাবু সহায়তা করিতে লাগিলেন ।
সুকুমারীর প্রবেশ, সঞ্জয়তাতা, চণ্ডা লাল-পাড
গরদ শাড়ী পরণে ।

সুকুমারী

(গালে হাত দিয়া এক মুহূর্ত দাঁড়াইলেন, তারপর) ধম্মি
বলি তোমাকে ! তুমি এখানে কার্পেট পাতছো । আর কি
বাড়ীতে লোক নেই ?

প্রসন্ন

না, না, পাতবো কেন ? কার্পেট গুটোচ্ছি, হ্যাঁ রে জগা, গুটোচ্ছিস তো ?

সুকুমারী

হ্যাঁ হ্যাঁ, গুটোচ্ছে । তুমি উঠে এসো দিকিনি । চারিদিকের কাজ পড়ে রয়েছে । পূজোয় বসবে বলে চান করে নীচে এলে, আর তুমি কিনা এখানে কার্পেট গুটোচ্ছ ? মা গো মা, কোথায় যাবো আমি ! (গালে হাত দিলেন) তোমার ঐ কাজ ?

প্রসন্ন

(অপ্রস্তুতভাবে) না না, আমি এই তো আসছি । জগাকে বলতে এসেছিলুম—ঐ যে ছাতাটা আনতে বল্লুম কিনা তাই—

সুকুমারী

ছাতা ? ছাতা এখন কী হবে ? এখন আবার বেরোবে নাকি ?

প্রসন্ন

না, আমি বেরোবো না, ঐ পিতৃ কোথায় যাচ্ছিল ।

সুকুমারী

ঠাকুরপোকে আমি ছাতা পাঠিয়ে দিলুম যে ।

প্রসন্ন

ও, তুমি দিয়েছ বুঝি ? বেশ করেছ । জগাকে বল্লুম—তা বললে কি কথা শুনবে । এক কথা হাজার বার বল না, তবু বেটার মাথায় ঢুকবে না । কোন কথা ওর মনে থাকে না—

হাত ও কাপড়ের ধুলা ঝাড়িতে লাগিলেন

সুকুমারী

আচ্ছা তুমি এখন এসো, পুস্তক ঠাকুর বসে রয়েছেন, তুমি পূজায় বসবে এসো।

প্রসন্ন

বেটাকে বললুম ঝাঁট দিতে, তা কি দেবে? খালি কথার ভটচাষি। হ্যাঁ হ্যাঁ, মনে পড়েছে—জগা একবার দৌড়ে যা তো বাবা, ভটচাষি মশাইকে একবার ডেকে নিয়ে আয়।

সুকুমারী

ভটচাষি মশাইকে আবার কোথায় ডাকতে যাবে? বললুম না তিনি তোমার জন্মে বসে রয়েছেন? তুমি এসো এসো, হোমটা আরম্ভ হলে আমি একটু নিশ্চিত হই।

প্রসন্ন

নিশ্চয় নিশ্চয়, ঐটেই হলো আসল, গৃহ-প্রবেশের প্রধান কাজই হল ঐটে। (ঝাইতে ঝাইতে ফিরিয়া) জগা, কার্পেটটা আগে ওপোরে পেতে দিয়ে আয়, বুঝলি? সব কাজ ফেলে তুই আগে ওপোরে মেয়েদের বসবার জায়গাটা ঠিক কবে দে।

সুকুমারী

এখন থেকে মেয়েদের বসবার জায়গা কবার তাড়া কিসের? সে তো সন্ধ্যা বেলায়—

প্রসন্ন

আহা, তুমি জানো না, মেয়েদের ব্যাপার, ও আগে থাকতে সেরে রাখাই ভালো।

সুকুমারী

(সঙ্গাস্ত্রে) তাই বটে । মেয়েদের ব্যাপার আমি জানি না,
যত জানো তুমি । আচ্ছা, তুমি এসো ।

উভয়ের প্রশ্নান

জগা এদিক ওদিক দেখিয়া একটা বিড়ি
ধরাইতে যাইতেছিল, হঠাৎ যেন কাহার
পদশব্দ শুনিয়া বিড়ি লুকাইয়া ফেলিল ।
তারপর কাপেট তুলিতে উত্তত হইল, ভিতর
হইতে প্রসন্নবাবুর ডাক আসিল—

প্রসন্ন (নেপথ্যে)

জগা, ও জগা একবার চট করে শুনে যা ।

জগা একটু ইতস্ততঃ করিয়া পুনরায় কাপেট
তুলিতে গেল, পুনরায় ডাক আসিল—

প্রসন্ন (নেপথ্যে)

জগা—

কাপেট ছুঁড়িয়া ফেলিয়া জগার প্রশ্নান

মধ্য

মধ্যাহ্ন । পদ্মা উঠিল । সেই কক্ষ ।
প্রসন্নবাবুর ভগ্নী মহালক্ষ্মী ও স্ত্রী সুকুমারী
কথা কহিতে কহিতে প্রবেশ করিলেন । পরে
মহালক্ষ্মী সোফায় বসিলেন ।

মহালক্ষ্মী

আমাকে দোষ দিলে কী হবে বৌ ? ছপুব গড়িয়ে কি
আর সাধে এসেছি ? তোর নন্দাইটাকে তো জানিস ।
কাল রাত্তির থেকে বলে রেখেছি, ওগো সকাল বেলা আমার
গাড়ী চাইই, কোনও রকমে যেন দেয়ী করো না । কে কাকে

বনছে ! ওর ভুরুক্ষেপও নেই। আমি ভোর থেকে গোছগাছ করে বসে আছি, সেই যে বেড়াতে গেছেন, গাড়ী আর ফেরে না।

সুকুমারী

তা, তুমি তো ভাই—

মহালক্ষ্মী

তাও মনে করেছিলুম একটা ট্যাক্সি ডেকে চলে আসি। কিন্তু উনি না ফিরলে আসতে ভরসা হল না ভাই। আজকাল যা চুরী হচ্ছে চারদিকে। এই পবশু দিন আমাদের পাশের বাড়ীতে কী কাণ্ড হলো গাই।

সুকুমারী

কী হলো ঠাকুরঝি ?

মহালক্ষ্মী

ওমা, শুনিসনি ? সে একটা বুড়ো, কাশীব পাণ্ডা সেজে এসে বাড়ীতে উঠেছে। বাড়ীর লোকদের কি আর মনে আ.ছ পাণ্ডার চেহারা। কবে গিন্নী গিছলো কাশীতে অনেক কাল আগে। সেই বুড়োকে গুরুর আদরে খাতির করে খাইয়ে দাইয়ে ওপোরের ঘনে শুতে দিয়েছে। আর সকালে উঠে দেখে সে পাণ্ডাও নেই আর গিন্নীর ক্যাশবাক্সও নেই, আলমারি ভাঙ্গা—

সুকুমারী

য়্যা, বল কী। তা সে বুড়ো জানলে কী করে যে ঐ আলমারিতে ক্যাশবাক্স আছে ?

মহালক্ষ্মী

বাড়ীর মেয়েদের আদিখ্যেতা। লোকটাকে বসিয়ে তার সামনেই আলমারি খুলে টাকা বার করেছে, কুণ্ডী বার করেছে তাকে দেখাবার জন্তে। মাগো! বাড়ীর মধ্যে একটা উটকো মিন্সে, আমার তো মনে করলে গায়ে কাঁটা দিয়ে ওঠে।

সুকুমারী

ওমা, তা আর ওঠে না?

মহালক্ষ্মী

তাই জন্তে আরও আসতে ভরসা হল না ভাই। মনে করলুম ডনি এলেই চলে আসব। তা ডনি আবার আজ ফিরলেন অশু দিনের চেয়েও দেরী করে। ঐ যে আমার দরকার কিনা; আমার সঙ্গে যেন ঔঁর শত্রু রতা আছে।

সুকুমারী

ঠাকুরজামাই বোধ হয় কোন কাজে আটকে পড়েছিলেন।

মহালক্ষ্মী

কাজ না হাতী! বেড়াতে যাবার নাম করে রোজ সকাল বেলায় গড়ের মাঠের ধুলো একবার না খেলে ঔঁদের আর ভাত হজম হয় না। কাজ! যাস না একবার, দেখবি যত বুড়ো, আধবুড়ো জজ ম্যাজিস্ট্রেট উকীল ব্যারিস্টার সব বসে বসে ইয়ার্কি মারছে, আর সারি সারি মটর গাড়ীগুলো ঠায় দাঁড়িয়ে আছে। আর আমি একবার গাড়ী চাই দিকি। তার বেলা গাড়ীর সময় হয় না। ঐ যে বল্লম, দাদা

যদি গাড়ী কেনে কক্ষণে একখানা গাড়ী কিনতে দিবি, ছুখানা কেনাবি, একটা নিজের জন্তে রাখবি, একটা দাদাকে দিবি। তা নইলে একবার গঙ্গা নাইতে যেতে চাইলে ছ'মাস গাড়ীর সময় হবে না। আমি আজ ঠুকে শেষ কথা বলে দিইছি—আসছে মাসে যদি আর একটা গাড়ী না কেনে তো তোমার গাড়ীতে আমি আগুন ধরিয়ে দেব।

সুকুমারী

ঠাকুরজামাই হলেন হাকিম মানুষ, তাঁর কাছে কি আমরা ?

মহালক্ষ্মী

(খুশী হইয়া) তা ভাই, হাকিম বলে তেমনি খরচাও বড় বেশী করতে হয়। মানসন্ত্রম বজায় রাখতে এত বাজে খরচা হয় ভাই তা কী বলব।

সুকুমারী

তা তো হবেই, তা আর হবেনা ?

মহালক্ষ্মী

কেন, আমার দাদাবও তো কারবার খুব ভাল চলছে। তুই বলবি শুধু বাড়ী হলেই হয় না। গাড়ী ছুখানা যদি নাই হয় নিদেন একখানাও এখন কেনাবি।

সুকুমারী

হাঁঃ, তোমার দাদা আবার গাড়ী কিনবেন। পচঃ! বলে বলবেন সে পয়সা দিয়ে দেশে আর একটা পুকুর কাটিয়ে দিলে দেশের লোকগুলোর প্রাণরক্ষা হবে। এই কত বলে' বলে'

তবে এই বাড়ীটা শেষ করতে পেরেছি ভাই। কী করে যে পুরোণো বাড়ীতে দিন কাটিয়েছি ভাই ঠাকুরঝি, সে আমিই জানি। একখানি একখানি পায়রার খোপ নিয়ে পঞ্চাশ জনে থাকার আর কী চলে? ছেগোপুলেরা বড় হচ্ছে, একটু নড়বাব চড়বার জো নেই।

মহালক্ষ্মী

বাবাঃ, সে বাড়ীর কথা আর বলো না ভাই। আমার তো ঢুকলেই মনে হচ্ছিল যেন দম বন্ধ হয়ে আসছে। ঐ জন্তো তো এদানি আর যেতেই চাইতুম না। বড় খোকা বলে, আমার বাড়ী নয় তো চিঁড়িয়াখানা, বারান্দা দিয়ে যাও আর এক এক ঘবে এক এক মূর্তি দেখ। (হাসিতে হাসিতে) বলি দূব হতভাগা ছেলে, বলতে আছে ?

সুকুমারী

(হাস্ত) তা মিথ্যে বলেনি ভাই।

জগার প্রবেশ

জগা

মা, বামুন ঠাকুর বলচেন-- এই যে পিসিমা এয়েচেন ? (প্রণাম করিল) ভালো আছেন পিসিমা ? কই খোকাবাবুদের দেখছি না ?

মহালক্ষ্মী

না বাবা, ওদের তো আজ ছুটি নেই, ওরা বিকেলে তোমার পিংশেমশায়ের সঙ্গে আসবে। তুমি ভালো আছো তো জগু ?

জগা

আপনার ছিচরণ আশীর্ব্বাদে ভালোই আছি। হ্যাঁ মা, বামুন ঠাকুর জিজ্ঞেসা করছেন এঁচোড় কি সব গুলো এখন রাখবে ?

সুকুমারী

না না, এখন সব রাখবে কেন? এ-বেলা তো খালি গুটিকতক বামুন আর এই বাড়ীর লোকজন খাবে। বাস্তবেরেই তো সব নেমস্তন্নর লোক আসবে। তুই বলে দে, যা কোটা আছে তার আঙ্কেকেরও কম এখনকার মতন ককক। কী বল ঠাকুরঝি ?

মহালক্ষ্মী

তা তো বটেই। অতো এঁচোড় এখন কী হবে ?

জগা

আচ্ছা আমি তাই বলি। (প্রস্থানোত্তত)

সুকুমারী

আর দেখ, এক খানা দই আর কিছু মিষ্টি ভিয়েনের বামুনদের দিয়ে রাখ, ওদের যখন ফুরসৎ হবে ওরা জল খাবে। এই হাজামে আমার মনে থাকে কি না থাকে, তোর মাসিমাকে বল ভাঁড়ার থেকে বার করে দিক।

(জগা ঘাড় নাড়িয়া প্রস্থান করিল)

মহালক্ষ্মী

কে বিন্দু এসেছে নাকি ?

সুকুমারী

হ্যাঁ, ও তো কাল থেকেই এসে রয়েছে। আজ সকালে

কমলাও এসেছে। পিসিমা বুড়ো মানুষ, কী করবেন। আর আমি ভাই এত হাঙ্গামে যেন থৈ পাচ্ছিলুম না। ওরাই তো সব ব্যবস্থা করছে।

মহালক্ষ্মী

(গম্ভীর হইয়া) ছ' তা বেশ।

সুকুমারী

এখন তুমি এলে ভাই, আমি বাঁচলুম। যা করবার সব তুমিই কর।

মহালক্ষ্মী

(খুশী হইয়া) কিছু ভাবতে হবে না তোকে বৌ, আমি যখন এসেছি তখন তোকে আর—

জগার প্রবেশ

মহালক্ষ্মী

কী রে জগু, কি চাই ?

জগা

মাসীমা তাঁড়ারের চাবি চাইলেন, মা।

সুকুমারী

দেখলে ভাই, চাবিটা দিতেই ভুলে গেছি। এই নে।
(আঁচল হইতে চাবি দিতে গিয়া চাবি পাইলেন না) র'্যা,
চাবিটা কোথায় ফেললুম ? চাবি ?

মহালক্ষ্মী

সে কী রে ? কাজের বাড়ীতে তুই চাবি হারালি নাকি ?

কত উটকো লোক ঘোরা ফেরা করছে, নেমস্তন্ন বাড়ী দেখলে,
ভদ্রলোক সেজে কত জোঁচোর এসে ঢুকে পড়ে। তারপর
খেয়ে দেয়ে যাবার সময় এটা সেটা যা পায় হাতিয়ে নিয়ে যায়।
আর তুই কিনা চাবি হারিয়ে বসলি !

সুকুমারী

তাইতো, কোথায় রাখলুম ?

মহালক্ষ্মী

নাঃ, তুই এখনো সেই খুকিটি আছিস বোঁ। চিরকাল
তুই চাবি হারাবি ?

সুকুমারী

সত্যি ভাই, চাবি হারানো আমার যেন একটা রোগ।

মহালক্ষ্মী

হারালি হারালি ভাঁড়ারের চাবিটা হারালি কী বলে' ?
কী হবে এখন ?

সুকুমারী

ভাঁড়ারের আর একটা চাবি দড়ি বাঁধা আছে, তার জন্মে
নয়। কিন্তু চাবির রিংটাতে যে আমার আলমারি দেওয়ালের
সব চাবি আছে। কী হবে ?

মহালক্ষ্মী

তবেই হয়েছে। তাহলে আর সে চাবি তুমি পেয়েছ।

সুকুমারী

(উৎকণ্ঠিত স্বরে) জগা, দেখ বাবা, খুঁজে দেখ, এক টাকা
বকশিস দেবো।

জগার প্রবেশ

ঐ জগা দিনের মধ্যে সাতবার আমার চাবি কুড়িয়ে পায়।
অশু চাকর হলে যে কী হশো, তা জানি না। এসো ভাই
ঠাকুর-বি, ওপরে এসো।

মহালক্ষ্মী

চলু। তাইতো, তুই আমার চাবি হারালি, কী হবে তাই
ভাবছি—

উভয়ের ভিতরে প্রস্থান। অশু দ্বার দিয়া

জগার প্রবেশ

জগা

একটা টাকা আমার বরাতেই নাচচে। যেমন বাবু আমার
আশুতোষ, তেমনি মা হয়েছেন আমাদের ভোলানাথ। দিবে
রাত্রির ভুলেই আছেন। এমন মনিব আর হয় না।

টেবিল চম্বার সোফার তলার চাবি
খুঁজিতে শুরু করিয়াছে, এমন সময় পাশের
ঘর হঠতে এক ব্রাহ্মণের প্রবেশ

ব্রাহ্মণ

ওহে বাপু, শোনো, শোনো। (জগা দাঁড়াইল) বলি
রান্নার আর দেরী কত বল দিকি ?

জগা

রান্নার ? আজ্ঞে না, রান্নার তো আর দেরি নেই। সবই
হয়ে গেছে। এইবার স্মৃতি ভাজবে আর দেবে।

ব্রাহ্মণ

নাকি ? দেরি নেই ?

জগা

আজ্ঞে না। দেরি কোথায় ?

ব্রাহ্মণ

তবু ?

জগা

আজ্ঞে তবু আবার কিসেব ?

ব্রাহ্মণ

বলি, দশ মিনিটও দেরি আছে তো ? কী বল ?

জগা

আজ্ঞে না ঠাকুরমশাই, এই পাতা কল্লেই হয়। আবার
দেরি কিসের ?

ব্রাহ্মণ

তাইতো। আমি মনে কচ্ছিলুম একবার বাড়ী থেকে
হয়ে আসব। পেস্টিটা বড় কাঁদছিল আসবে বলে। তার
জন্মে মনটা কেমন কচ্ছে। ভাবছিলুম তাকে যদি নিয়েই
আসি।

জগা

আজ্ঞে, তা আসুন না, নিয়েই আসুন।

ব্রাহ্মণ

তুমি য়ে বলছ একুনি পাতা করবে—

জগা

আজ্ঞে হ্যাঁ, পাতা কবব বইকি। এই এঁচোড়টা নাবলেই পাতাটা করে ফেলবো।

ব্রাহ্মণ

তাহলে আর বাডী থেকে হয়ে আসবার সময় হবে কি ? এঁচোড়ের কালিয়া ফুটছে তো ?

জগা

খুব সময় হবে। ফুটতে আব কতক্ষণ ? যে আঁচ দিয়েচি, তরকারিতে জল দিতে হবে সুইবে না, টগ্‌বগ্‌ কবে ফুটে উঠবে।

ব্রাহ্মণ

ও। তাহলে এখনো জল দেয় নি। ওবে—

জগা

আজ্ঞে, আগে কসে নিতে হবে তো। কসে নিয়েই জলটা দেবে। জল দিতে আর ছান্দামটা কা বলুন না।

ব্রাহ্মণ

হ্যাঁ, হ্যাঁ, এঁচোড় খুব কসে নেওয়া দরকার। ও যত কসবে তত সুতার হবে। তাহলে এখনো কসা হয়নি, কেমন ?

জগা

তা চাটনির কড়াতে তো আর এঁচোড় চড়াতে পারে না। কড়াটা ধুয়ে নিচ্ছেন দেখে এলুম, এতক্ষণে চড়াবার যোগাড় করছেন। চড়ালে আর কতক্ষণ লাগবে ?

ব্রাহ্মণ

আশান্বিত) তাহলে বাড়ীতে একবার যাব নাকি ?
পেস্তিটাকে নিয়ে—আবার পেস্তিটাকে আসতে দেখলে ছোট
খোকাটা না বায়না ধবে। সেই হয়েছে আমার ভাবনা।
বড় ওর শ্যাওটা কিনা।

জগা

আছে হাঁ, ছোট খোকা-ঠাকুরকেও নিয়ে আসবেন বইকি।
সে কী কথা।

ব্রাহ্মণ

সেটাকে মিথ্যে আনা বাবা। তুমি এত করে বলছ বটে, কিন্তু
কিছু খেতে পাবে না। খালি ফেলে ছড়িয়ে নষ্ট করবে।
তাকে এক তার গর্ভধারিণী পাশে বসে না খাওয়ালে, কেউ
খাওয়াতে পারে না।

জগা

সে তো ভালোই হয়, ঠাকুর মশাই। মা-ঠাকুরগের যদি
পা'র ধুলো পড়েন তা'লে বাবু কত খুশী হবেন। আহা।

ব্রাহ্মণ

না না, সেটা কি গলো দেখাবে? তার আসাটা—সে থাক।
বরং বড় খোকা একটু গুছিয়ে খেতে শিখেছে, সেই যাহোক
করে খাইয়ে দেবে। কিন্তু তার যে আবার পরীক্ষা আজ।

জগা

হলই বা পরীক্ষা, ঠাকুরমশাই। পরীক্ষা বলে কি নোকে
নেমস্তম খাওয়া ত্যাগ করবে নাকি ?

গৃহ-প্রবেশ

ব্রাহ্মণ

তা তুমি যখন এত করে বলছ তখন যাই একবার। তাব
ইস্কুলও বেশী দূবে নয়। না হয় মাঠাবকে বলে ছুটি করে—

জগা

আজ্ঞে হ্যাঁ, সেই ভাগে। পলীক্ষ তখন হবে'খন এর
পরে।

ব্রাহ্মণ

তাহলে রান্না এখনো একটু দেবী আছে। মানে কিঞ্চিৎ
বিলম্ব, য্যা ?

জগা

আজ্ঞে সে ভয় কববেন না। দেবী কিছুই নেই। বিলম্ব
একটু হতে পারে, কিন্তু দেবীর তো কোনো কথাই নেই।
ঐ যে বল্লম এঁচোডটা চড়িয়ে, এঁটে নাবিয়ে নিয়েই অমনি ঐ
কড়াতেই ছাঁক করে মুগের ডালটা বড়িয়ে দেবে। বড়া
খোবারও দরকার নেই। বুঝেন না ?

ব্রাহ্মণ

আচ্ছা, তাহলে চট করে একবার ঘুরেই আসি। তুমি
এত করে অনুবোধ করছ। (কয়েকপদ অগ্রসর হইয়া ফিরিয়া)
হ্যাঁ, দেখ বাবা, তুমি ছুঃখু করো না। তোমার মাঠাকরনের
আসটা বোধ তেমন ঠিক হবে কি ? অবশ্য তোমার গিন্নীমা
খুবই খুশী হবেন, সে আমি জানি।

জগা

আজ্ঞে হ্যাঁ, সকলেই খুশী হবেন। আর তাছাড়া তিনি না এলে যে ছোট খোকঠাকুরের বড্ড কষ্ট হবে।

ব্রাহ্মণ

কিন্তু, সে ভালো দেখায় না—আচ্ছা, (চুপে চুপে) তোমার কাছে আনা ছয়েক পয়সা হবে বাবা? আবার একটা রিক্সা ভাড়া লেগে যাবে—

জগা

তাতে আর কী হয়েছে? এই যে আন্সুন না।

ট্যাক হইতে পয়সা বাহির করিতে করিতে জগা ও ব্রাহ্মণের প্রস্থান

একটু পরে একটি ভদ্রলোকের প্রবেশ, নাম বন্ধুবাবু। প্রায় বৃদ্ধ। ডবল-ব্রেস্ট সার্ট, পাকানো চাদর, কোঁচা উলটানো ধুতি এবং বাণিসকরা জুতো পরণে। জামা কাপড় অর্ধ মলিন, সাজ সজ্জায় ছিন্ন মেরামতির বহু চিহ্ন। সবশুদ্ধ মিলিয়া দারিদ্র্য ও তাহাকে চাপা দিয়া ভদ্রতা রক্ষার প্রচেষ্টা অতি পরিশ্রুট।

বন্ধু

এ কী রকম হল? মইওলাটা বলে শ্রাদ্ধবাড়ী, অনেক লোকজন খাচ্ছে, ছপুর থেকেই খাওয়া-দাওয়া। কিন্তু কই? লোকের ভিড় কোঁ দেখছি না। সব কি বসে গেছে নাকি। না কি বাড়ী ভুল করলুম। (পাশের ঘরের দিকে চাহিয়া) ঐ তো ও-ঘরে ক'টি বায়ুন রয়েছে। ঐ ক'টি বায়ুন? উহ,

বোধহয় ঠিকানার ভুলই হয়েছে। (আশ্রয় নইয়া) হুঁ, মাছ
ভাজার গন্ধ আসছে। তবে তো শ্রদ্ধাবাড়ী নয়। ও—তাই
বটে (বাহিরের দিকে চাহিয়া) দরজায় কলাগাছ আবপাতা
রয়েছ না? (চারিদিকে চাহিয়া) নতুন বাড়ী। নিশ্চয়
গৃহ-প্রবেশ। তা হলে এমন সময় তো ভিড় হবে না। আর
ভিড় না হলে আমারও সুবিধে হবে না। তাই তো, ফিরে
যাব? তাই যাই, রাত্তিরে বরং চেষ্টা দেখা যাবে। এ বেলা
আর ভগবান মাপেন নি।

প্রস্থানোত্তম। প্রসন্নবাবুর বাহির হইতে
প্রবেশ। মুখোমুখি হইয়া বহু অপ্রস্তুত।
পরস্পরে সপ্রতিভ হইবার চেষ্টা করিয়া—

বহু

আপনি আমাকে বোধহয় চিনতে পাবছেন না? আমি—
আমি—

প্রসন্ন

বিলক্ষণ। আন্তেজ্ঞে হোক, আন্তেজ্ঞে হোক। নমস্কার
বন্দন, বন্দন।

বহু

না, না, থাক থাক, এখন আর—

প্রসন্ন

সে কী কথা। ওরে জগা, তামাক দিয়ে যা।

বহু

না, না, আপনি ব্যস্ত হবেন না।

প্রসন্ন

কিছু না, কিছু না। কিছু ব্যস্ত হইনি। এই চাকরগুলো হয়েছে এমনি, সকাল থেকে একটা কাজে পাবাব জো নেই। (উচ্চৈঃস্বরে) ওবে জগা—নাঃ, এদের জ্বালায় দেখছি আর লোকের কাছে মানসম্মত থাকে না। দেবো সব বিদেয় করে—

জগাব প্রবেশ

জগা

বড়বাবু ডাকছিলেন ?

প্রসন্ন

এই যে জগু, একটা নতুন ছাঁকো করে তামাক সেজে আনো তো। বাড়ীতে ভদ্রলোক এলে এক কল্কে তামাক দিতে হয়, এ তোমরা শেখনি ?

জগার প্রস্থান

বন্ধু

তাহলে ইনিই বড়বাবু। (প্রকাশ্যে) আপনি স্থিব হয়ে বসুন বড়বাবু, এত জগু -

প্রসন্ন

না না, আমি আর এখন বসব না। আপনি বসুন, আপনি বসুন। (বলিতে বলিতে উভয়েই সোফায় বসিলেন) আমার কী আর বসবার সময় আছে।

বন্ধু

তা তো বটেই, এ একটা বিরাট কার্য্য, একটা যজ্ঞের ব্যাপাব।

প্রসন্ন

আজ্ঞে হ্যাঁ, যা বলেছেন। গৃহ-প্রবেশ তো নয়, যেন ছুর্গোৎসব কাণ্ড। আমার কি আব একদণ্ড স্থির হবার জো আছে। এই ব্রাহ্মানদের পাতা করে বসিয়ে দিতে পারলে বাঁচি। অনেক বেলা হয়ে গেল।

বন্ধু

তা হোক, তা হোক। বৃহৎ কর্মে বেলা একটু অমন হয়েই থাকে। একে বেলা বলে না—

প্রসন্ন

গাইতো, আপনাকে তামাক টামাক—ওরে জগা, (উঠিয়া) কিছু মনে করবেন না, আমি একবার ওদিকে দেখি—

বলিতে বলিতে প্রসন্নবাবু কয়েক পা অগ্রসর হইলেন, এমন সময় সোফার উপবিষ্ট বন্ধুবাবুর হাত ঠেকিল সোফার কোণে এক গুচ্ছ চাবির উপর। তিনি চাবির রিংটা তুলিয়া ধরিলেন। রিং হহুৎ একটা নাতিদীর্ঘ চেন বুগিভেছে।

বন্ধু

এই যে, আপনার চাবিটা ফেলে যাচ্ছেন, বড়বাবু।

প্রসন্ন

(একবার পিছন ফিরিয়া চাহিয়াই হাত বাড়াইলেন) আমার চাবি ? ও হ্যাঁ, দিন। (চাবি লইয়াই দক্ষিণ ট্যাঁকে গুঁজিয়া ফেলিলেন) আচ্ছা, আপনি তাহলে বসুন, আমি একটু—

এখানেও

বন্ধু

এইবার সরে পড়া যাক ।

ঘরের নিকট সুকুমারীকে দেখিয়া প্রসন্ন
বাবু দাড়াইলেন ।

প্রসন্ন

এই যে, ওগো, বাইরে গোটাকতক পান আর তামাক—
এই জগা ব্যাটা কোথায় গেল বলতো ? উনি সেই থেকে এসে
বসে আছেন, এক কন্ধে তামাক এখনো পর্য্যন্ত—

বন্ধু

আহা, আমার জন্মে কিছু ব্যস্ত হবার দরকার নেই, আর
মা-লক্ষ্মীকেও মিথ্যে ব্যস্ত কবা । আমাকে এত খাতির করবার
আবশ্যকই নেই ।

প্রসন্ন

বিলক্ষণ । খাতির আর কোথায় করলুম । দয়া করে এসে
দাঁড়িয়েছেন, এই আমাদের সোভাগ্য ।

বন্ধু

সে কী কথা, আমার তো আর কী বলে—নেমন্তন্ন খেতে
আসা নয়, হাঃ হাঃ হাঃ ।

প্রসন্ন

তাত্তো বটেই, আপনি তো আর পর নন । আচ্ছা, তুমি
তাহলে ওঁকে দেখো—

ব্যস্তভাবে প্রস্থান

বন্ধু

আবার কেন ব্যস্ত করা গুঁকে ।

সুকুমারী

(স্নগতঃ) ইনিই পরেশবাবু বুঝি । (নিকটে আসিয়া) এ
আর ব্যস্ত করা কী কাকাবাবু ?

প্রণাম করিতে উদ্ভত হইলেন

বন্ধু

(প্রকৃতই বিব্রত হইল) আহা, থাক থাক, আমাকে
আবার পেন্নাম করা কেন মা-গঙ্গমী ?

সুকুমারী গুনিল না পদধূলি লইয়া প্রণাম
করিল

সুকুমারী

আপনার বড্ড কষ্ট হয়েছে, এই রদুবে, এক দেশ থেকে
এক দেশে । আমি ঠাকুরপোকে সেই ভোর থেকে বলছি ।
তা ওকেও একলা সব জায়গায় যেতে হচ্ছে । ইনি তো
এদিকেই ব্যস্ত আছেন ।

বন্ধু

তা তো বটেই, তা তো বটেই ।

সুকুমারী

আপনি যে এ-বেলাই আসতে পারবেন, তা আশা করতে
পারি নি ।

বন্ধু

হাঁ, এই মনে করলুম—মান এলুম চলে, ভাবলুম যাই
বেড়াতে বেড়াতে, এই আব কি ।

সুকুমারী

আপনি একটু বসুন কাকাবাবু, আমি চট করে এক গেলাস
সরবৎ করে নিয়ে আসছি ।

বন্ধু

না না, কিছু দরকার নেই মা, কিছু দরকার নেই ।

সুকুমারী

সে কী কথা কাকাবাবু, এই বদুঁরে আসছেন, যুব শুকিয়ে
গেছে । আপনি একটু বসুন ।

হৃতিমধো ঘরের কাছে খোকনের আবির্ভাব
হত্নাচে । সে ধীবে ধীবে আসিয়া মায়েব গা
ঘ'মিগ্ন' দাড়াইল ।

সুকুমারী

পেম্বাম কর । কী অসভ্য ছেলেবে, দাছুকে পেম্বাম কর ।

খোকন প্রণাম করিল

বন্ধু

(অগত্যা তাহাকে কাছে টানিয়া লইয়া) তোমার নামটি
কী ভাই ?

খোকন

পরিমল, না না, আমার নাম শ্রীপরিমলকুমার মিত্র ।

বন্ধু

বাঃ । আচ্ছা, তোমার বাবাব নাম কী বল তো দেখি ।

খোকন

বাবার নাম ? বাবার নাম—শ্রীযুক্ত বাবু প্রসন্নকুমার মিত্র ।
মা'র নাম বলব ?

বন্ধু

(সহাস্তে) মা'র নাম বলতে হবে না ভাই । মা'র নাম আমি জানি ।

খোকন

জানেন ? কী করে জানলেন ?

বন্ধু

আমাবও যে মা হন ভাই । তাই জানলুম ।

খোকন

আর জানেন দাদু, মা কিন্তু বাবার নাম জানে না । এতবার করে বলে দিযেচি তবু বলতে পারে না, বলে ভুলে গিয়েচি । কী আশ্চর্য, আর সবার নাম মনে থাকে আব এই নামটা কিছুতেই মনে থাকে না । আচ্ছা, এষ্ট মাত্রের তো বলে দিলুম ? মা বলো তো দেখি ।

সুকুমারী হাসিতে হাসিতে চলিয়া যাইতে-
ছিলে ন,দ্বারের কাছ হইতে ফিরিয়া বলিলেন—

খোকন, দাড়কে বেন জ্বালাতন করো না । পাখা নিয়ে হাওয়া কর ।

সুকুমারীর প্রস্থান

খোকন পাখা লইয়া হাওয়া করিতে প্রবৃত্ত
হইল

বন্ধু

না দাদু, তোমাকে হাওয়া করতে হবে না। তুমি যাও
খেলা করগে।

খোকন

না, মা যে বলে গেল হাওয়া করতে।

বন্ধু

(স্বগতঃ) আহা, কী লক্ষ্মীর সংসার ! (প্রকাশ্যে) হ্যাঁ
খোকন, তোমার বাবা তো হাইকোর্টের উকীল, না ?

খোকন

না, বাবা তো আপিসে যান, আমি জানিনা বুঝি। বাবাব
নিজের আপিস। বাবা আপিসে যান, কাকু আপিসে যায়,
আমিও আপিসে যাব ; আব একটু বড় হয়ে নি, দাঁড়ান না।

এমন সময় একটি 'জগ' হাতে ডাকু
জল পরিবেশন কবিরার ভান করিয়া প্রবেশ
করিল। মাথা নীচু করিয়া 'জল চাই,
আপনাকে জল দোব' ইত্যাদি বলিতে বলিতে
কয়েক পা আসিয়া অপরিচিত লোক দেখিয়া
দাঁড়াইয়া পড়িল ও বন্ধুবাবুর দিকে চাহিয়া
রহিল।

খোকন

এর নাম কী জানেন দাদু ? এর নাম ডাকু। উঃ, ও বা
ছুষ্টুমি করতে পারে। তাই জগে ঠাকুমা বলে ও আর জন্মে

নিশ্চয় ডাকাত ছিল। এই ডাকু, দাছুকে পেন্নাম করলি না ?
রোসো, আমি মাকে বলে দিচ্ছি।

ডাকু তাড়াতাড়ি এক পায়ের উপর স্পর্শ
করিয়া প্রণাম সারিল।

ডাকু

তুমি দাছু হও ?

খোকন

(কঠিন স্বরে) ডাকু—উ। তুমি দাছুকে তুমি বললে ?
দাঁড়াও মাকে বলছি। মা না বলে দিয়েছে বড়দের আপনি
বলতে ?

ডাকু

তবে জগুকে তুমি আপনি বল না কেন ?

বন্ধুবানুর হাত

খোকন

তুমি তক করছ আমার সঙ্গে ? দাঁড়াও, আমি বাবাকে
বলে দিচ্ছি।

ডাকু

কই তক করছি ? আমি তো চুপটি কবে দাঁড়িয়ে আছি।
বা রে।

খোকন

যের তক করছ ? শীগ্গির দাছুকে আপনি বল।

ডাকু

যাও, বলব না যাও। (ঠোঁট ফুলাইয়া মুখ ঘুরাইয়া
দাঁড়াইল)

বন্ধুবারু এই মধুব কলহ দেখিতেছিলেন।
এ দৃশ্য অনেকদিন তাঁহার অদেখা। এখন
অভিমান-করু ডাকুকে সাদরে কাছে টানিয়া
লটালন।

বন্ধু

না দাদু, তোমাকে আপনি বলতে হবে না। তুমি এসো
আমার কাছে এসো। তোমার নাম বুঝি ডাকু ?

ডাকু

ধেং। ওটা তো খারাপ নাম, বিচ্ছিরি নাম। আমার
ভা—ল নাম আছে। সেটা হল—শিবি শতদলকুমার মিত্র।

বন্ধু

বাঃ খাসা নাম।

ডাকু

বাবার নাম বলব ? বাবার নাম পেসন্ন। (তর্জনী উঠাইয়া)
কিন্তু পেসন্ন বলতে নেই। খালি ঠাকুমা বলবে পেসন্ন।
(বন্ধুর পাকা গৌফ হাত বুলাইয়া দেখিতে দেখিতে) তোমার
—আপনার বেশ গৌফ। হ্যাঁ দাদু, তোমার দাড়ি নেই কেন ?

বলিতে বলিতে জানুর উপর উঠিয়া বসিল

বন্ধু

দাড়ি ? তাই তো,—দাড়ি—

ডাকু

দাড়ি কেন হয় দাদু ? কী করে দাড়ি করে ?

খোকন ক্ষুণ্ণ হইয়া ধীরে ধীরে চলিয়া গেল

বন্ধু

ও দাদু, তুমি চলে যাচ্ছ ?

ডাকু

ও যাকগে । তুমি বল না দাড়ি কী করে' করে ?

বন্ধু

দাড়ি করতে হয় না তো ভাই । বড় হলে ভগবান আপনিই
দেন ।

ডাকু

তবে তোমায় দেয় নি কেন ?

বন্ধু

দিয়েছিলেন, কেটে ফেলেছি ।

ডাকু

কেন ? সকলে খালি কেটে ফেলে । বাবাও কেটে ফেলে,
কাকুও কেটে ফেলে । আমার যখন দাড়ি হবে, আমি সব
রেখে দোবো, (হাত প্রসারিত করিয়া) য্যাতো বড় দাড়ি হবে ।
(আরও প্রসারিত করিয়া) য্যা ১-স্তো বড় দাড়ি হবে ।

সরবৎ ও খাবার নাইয়া শুকুমারীর প্রবেশ, সঙ্গে খোকন

খোকন

ঐ দেখ মা, ডাকুটা দাদুর কোলে উঠেছে, আর—আর কী
রকম জ্বালাতন করছে, দেখছ ?

শুকুমারী

ডাকু, তুমি দাদুকে বিরক্ত কবছ বুঝি ? কোল থেকে নেবে
বসো ।

বন্ধু

না না মা, বিরক্ত তো করে নি, থাকুক না।

ডাকু মা'য়ের কথায় নাশিয়ানী দাঁড়াইল।

সুকুমাবী

নিন কাকাবাবু, এইটুকু খেয়ে নিন।

সুকুমারী বেকাবী, গ্লাস টেবিলে রাখিয়া
পাখা লইয়া হাওয়া করিতে লাগিল। বন্ধু
এই অপ্ৰত্যাশিত বন্ধে অভিভূত হইল।

বন্ধু

এ তুমি কী করেছ মা! এত খাবার সববৎ—

সুকুমাবী

কোথায় এত? কী বেলাটা হয়েছে দেখুন দিকি। নিন
খেয়ে নিন।

বন্ধু আহায়ে প্রবৃত্ত হইল

ডাকু

দাছ, তুমি নেমস্তন্ন খাবে? ও, তোমাকে বুঝি বাবা নেমস্তন্ন
করেছে, না?

বন্ধু

নেমস্তন্ন? হ্যাঁ, নেমস্তন্ন—না ভাই, আমাকে আর নেমস্তন্ন
করে নি। (হাস্য)

ডাকু

তবে তুমি আমাদের বাড়ী এসেছ কেন?

সুকুমারী

মার খাবি ? ঐ কথা বলতে আছে দাছুকে ?

বন্ধু

আহা, বলুক না মা, ঠিকই বলেছে। (একটু পরে মহাশ্বে)
খামি এমনিই এসেছি দাছু, আমায় আর নেমস্তন্ন করে না কেউ
ভাই, খামি লুচি ভাজার গন্ধ পেলেই আসি, হাঃ হাঃ হাঃ।

ইহা যে সত্য না জানিয়া পরিহাস মনে
করিয়া সুকুমারী হাসিল

খোকন

ডাকুটা কাঁ বোকা দেখেছ মা ? দাছু হন যে। দাছুকে
কি নেমস্তন্ন করতে হয় ?

সুকুমারী

বাড়ীর সবাইকে খানলেন না কেন কাকাবাবু ?

বন্ধু

য়্যা ? বাড়ীর সবাই ? বাড়ীর সবাই—মানে, বাড়ীই নেই
তা বাড়ীর সবাই।

মান হাসি হাসিল

সুকুমারী

(স্বগতঃ) আহা, গিন্নী বুঝি নেই, তাই এই অবস্থা।
(প্রকাশ্যে) কাকাবাবু, আপনি ওপোরে বসবেন চলুন। যাও,
খোকন ডাকু, দাছুকে নিয়ে ওপোরের ঘরে বসাও গে, খামি
জগুকে দিয়ে তামাক পাঠিয়ে দিচ্ছি।

প্রস্থান

ইতিমধ্যে বন্ধুবাবুর জলযোগ হইয়া গেল। ডাকু একাই গ্লাস, রেকাবি, জগ লইয়া বাড়ীর মধ্যে বাইতেছিল। খোকন বলিল—তুই পারবি না ডাকু, দে আমাকে দে ইত্যাদি। ডাকু শুনিল না। সে চলিয়া গেল, পিছনে পিছনে খোকন বাইতেছিল, দবজার নিকটে পৃথীশকে দেখিয়া—

খোকন

ডাকু, তোমার কাছে পান আছে ? দাও গো।

পৃথীশ

পান ? কী করবি ? না না, এখন পান খেতে নেই, ষা।

খোকন

না গো, আমি খাব কেন, দাছুকে দেবো, দাও না।

পৃথীশ

দাছু ? দাছু আবার কে ?

খোকন

ঐ যে আমাদের দাছু। মা বলে কাকাবাবু, আমরা বলি দাছু। দাও না পান।

পৃথীশ

ও। তা যা বাড়ীর ভেতর থেকে নিয়ে আয়, যা।

পৃথীশ যেখানে ছিল সেখান হইতে সে ফার্স আডাল হওয়াতে বন্ধুর মাথার পিছন মাত্র দেখা বাইতেছিল, সে বাহিরে চলিয়া গেল। খোকন ভিতরে গেল।

বন্ধু

এরা আমাকে অশু লোক বলে ভুলই করেছে। কিন্তু বোটি যেন লক্ষ্মী, আমি যেন ঠিক ওর নিজেরই কাকাবাবু। উজ্জ্বল করে, এর বাড়ী ওর বাড়ী খেয়ে এত কাল কাটালুম। এমন করে যত্ন করে আমাকে তাব কেউ খাওয়ায় না। এমন মিষ্টি কথাও কত কাল শুনি নি। ভুলেই গেছি। সংসারের আদর যত্ন, ছেলেমেয়েদের খেলা বাগড়া, এসব আবার যেন মনেই পড়ে না। (দীর্ঘশ্বাস) বুড়ো বয়সে বাকী কটা দিন এমনি একটি লক্ষ্মীর সংসাবে আশ্রয় পেতুম! আর ঘুরে বেড়াতে পারি না। মা গো! যাই এই বেলা পালাই।

বন্ধু উঠিল, কিন্তু পদমহুর্ন্তে খোকনের প্রবেশ।

খোকন

ও দাদু, আপনি ওপোরে চলুন। মা বলে।

বন্ধু

না না, আমি আবার ওপোরে যাব কেন। আমি এইখানেই বেশ আছি। তুমি ওপোরে যাও দাদু, খেলা কর গে।

খোকন

না, মা বলে যে। আপনি চলুন না।

হাত ধরিয়া টানিতে লাগিল
ডাকুর প্রবেশ

ডাকু, ধর তো দাদুকে, ধরে নিয়ে চল।

বন্ধুর অপর হাত ডাকু ধরিয়া টানিল

ডাকু

এই ধরেছি। চলুন বলছি।

খোকন

চলুন না। ওপোরে দেখবেন আমার খবগোস আছে।

ডাকু

আর আমার বিলিতি ইঁচুর আছে, কী ফর্সা, সায়েবেব বাচ্চা কিনা।

খোকন

দেখবেন আমার খবগোস কেমন কুপ কুপ করে আলু ভাজা খায়, কী চালাক দেখবেন।

ডাকু

আমার ইঁচুর ওব চেয়ে চালাক, সায়েব কিনা।

বন্ধু হা, সিমুখে একবার ইঁহার দিকে একবার
উঁহার দিকে দেখিতে দেখিতে উভয়ের
আকর্ষণে ধীরে ধীরে বাড়ীর ভিতরে গেল।

একটু পরে অপর দিক হইতে প্রসন্নবাবু ও
কয়েকটি ব্রাহ্মণের প্রবেশ

প্রসন্ন

বড় দেরী হয়ে গেল মুখুজ্যে মশাই। নতুন জায়গায় সব
বেবন্দোবস্ত।

১ম ব্রাহ্মণ

কিছু না কিছু না। এ-রকম হয়েই থাকে ভাই। ওর জন্মে
কিছু ভেবো না, বেলা তিনটেব আগে আর ব্রাহ্মণ ভোজন

কোথায় হয় বল ? তা নইলে আর মধ্যাহ্ন ভোজন বলেছে কেন,
হাঃ হাঃ হাঃ হাঃ ।

প্রসন্ন

আপনাদেব বড্ড কষ্ট দেওয়া হল । কই, পঞ্চাননদাকে
দেখছি না যে, তিনি এলেন না বাবা ?

২য় ব্রাহ্মণ

না না, গাধু এসেছে বইকি । এই যে একটু আগে উঠে
গেল ।

১ম ব্রাহ্মণ

তবে নিশ্চয় ওপোরেই গেছে । ছেলেদের বসাবাব বন্দোবস্ত
করতে গেছে । হাঃ হাঃ হাঃ হাঃ

প্রসন্ন

তা হলে এসেছেন তো ?

৩য় ব্রাহ্মণ

হ্যাঁ, মিত্তির মশাই, সে জন্মে চিন্তা করবেন না । পঞ্চ
এসেছে এবং এতক্ষণে বোধ হয় কাচাবাচ্ছা নিয়ে পাতা করে
বসেই গেছে । ছেলেদের বসাবার বন্দোবস্ত করার মানেই তো
তাই, বুঝলেন না ?

সকলের হাস্য

৪র্থ ব্রাহ্মণ

খাশা বাড়ী করেছ, পেসন্ন তাই । বাড়ী তো নয়, একেবারে
অট্টালিকা । ইন্দ্রপুরী কোথায় লাগে ।

১ম ব্রাহ্মণ

দাদা আমাদের ইন্দ্রপুত্রী যুনে এসেছ নাকি ?

প্রসন্ন

সবই আপনাদের আশীর্বাদ, দাদা, সবই আপনাদের আশীর্বাদ। চলুন পাতা—

“হ্যাঁ, হ্যাঁ চল চল” বলিতে বলিতে সকলে
প্রস্থান

বাহিব হঠতে পৃথ্বীশের প্রবেশ, পশ্চাতে
মুটের মাথায় হামোনিয়ম ও বাঁয়া তবলা

পৃথ্বীশ

জগা, জগা। আচ্ছা তুমি ইখার বাখখো।

ধবিয়া নামাটয়া ও মুটকে পরসাদি দিয়া
বিদায় কবিল

ভিতর হইতে প্রসন্নবাবুর কণ্ঠ শোনা গেল—
“জগা কাপেটটা ওপারে আনলি ?” জগার
কণ্ঠ—“জাজ্জ, এহ যে নিয়ে যাচ্ছি বডবাবু।”

জগার প্রবেশ

জগা বাপেট গুটাইতে শুরু কবিয়া পরে
ছোটবাবুকে দেখিয়া পাতিতে প্রবৃত্ত হইল।
পৃথ্বীশ হামোনিয়ম, তবলা গুটাইয়া রাখিতে
ছিল, প্রথমে দেখে নাই জগা কী করিতেছে।
পরে দেখিতে পাইয়া—

পৃথ্বীশ

এ কী করছিস ?

জগা

এই যে, কতক্ষণ লাগবে বাবু।

পৃথ্বীশ

কতক্ষণ লাগবে কীরে ? তুই এখানে পাতছিস যে বড় ?

জগা

আজ্ঞে হ্যাঁ, আপনি তো সকাল থেকে তাই বলছেন।

পৃথ্বীশ

হঁ, কিন্তু বড়বাবু এই মাত্রের কী বলেন ! কোথায় নিয়ে যেতে বলেন ?

জগা

আজ্ঞে, তাঁর ইচ্ছে এটা ওপোরের বড় ঘরে পাতা। মেয়েদের বসবার তরে—

পৃথ্বীশ

তবে ওপোরে না নিয়ে গিয়ে মুড়ুলী করে এখানে পাতবার মানে ? আবার কে ওপোবে নিয়ে যাব, না ? বড়বাবুর কথা তোমার গেরাছি হলনা ? সাথে বড়বাবুর বকুনি খেয়ে মরিস।

জগা

না—তা—আমি তো বলুম—তা আপনি যে রাগ করলেন।

পৃথ্বীশ

রাগ করলুম কী রে ? ছি ছি ছি, তোর যদি একটু আকৈল থাকে। বুড়ো হয়ে গেলি, একটু বিবেচনা করে কাজ করতে পারিস না ? আরে বড়বাবু আমার চেয়ে বয়সে বড়, সুধু বড় নয় অনেক বড়, তা জানিস ?

জগা

আচ্ছ হ্যাঁ, বড়বাবুও তাই বলছেন—

পৃথ্বীশ

এও তোমাকে বলে দিতে হবে? যা, শাগ্গির এটাকে গুটিয়ে ওপোরে নিয়ে যা। এখানে সেই বড় সতরঞ্চিখানা আর চাদর পেতে দিবি, বুঝলি?

জগা এক মুহূর্ত নীরব থাকিরা, পরে বাড় নাড়িয়া কাপেট গুটাহতে শুরু করিল।

প্রসন্নবাবুর প্রবেশ

প্রসন্ন

এই যে পিতু, ব্রাহ্মণদের বসিয়ে দিয়ে এলুম, বাসু। হ্যাঁ, দেখ, তোমার সেই মাষ্টার মশাইকেও এই সঙ্গেই বসিয়ে দিলে না কেন?

পৃথ্বীশ

মাষ্টার মশাই! কই, তাঁকে তো আমি নেমস্তন্ন করিনি।

প্রসন্ন

করনি? ভুলে গেছ তো? ছি ছি, তোমার কিছু মনে থাকে না। ভারি ক্রটি হয়ে গিয়েছে তো। কিন্তু কী মহৎ লোক দেখ, নিমন্ত্রণের অপেক্ষা রাখেন নি। নিজেই এসেছেন। সেকালের মানুষই আলাদা। তুচ্ছ মান হুপমানের ভয় এঁদের নেই। দেখেছ?

পৃথ্বীশ

(বিস্মিত) কিন্তু মাঠাব মশাই তো এখানে নেই দাদা ।
তুমি কার কথা বলছ ? কে এসেছেন ?

প্রসন্ন

বাঃ, নেই কী বকম ? এই যে একটু আগে এখানে
বসেছিলেন । পাকা গোক ।

জগা কাপেট শুটাইয়া বাগাইয়া তুলিবার
উপক্রম করিতেছিল । মুখ তুলিয়া বলিল—

জগা

তিনি তো আমাদের মা'ব কাকা হন, বাবু ।

প্রসন্ন

কার ? বড়বোয়ের ? কাকা ? ও, তা কোথায় তিনি ?
চলে গেলেন নাকি ?

জগার প্রতি চাহিয়া প্রশ্ন কবিয়া দেখিলেন
তাহার কাপেট তুলিতে অসুবিধা হইতেছে ।
দেখিয়া স্বীয় স্বভাবমতো তাহাকে সাহায্য
করিলেন । কথাও চলিতেছিল

জগা

আজ্ঞে না, সে বুড়োবাবু তো ওপোরে আছেন । মা তাঁকে
বলেছেন ভাঁড়ার আগলাতে, তিনি ভাঁড়ার ঘরের দোবে বসে
তামাক খাচ্ছেন ।

ক'র্পে, তখন জগার মাথায় উঠিয়াছে

প্রসন্ন

(হাত কাড়িতে কাড়িতে) তা হলে পিতু, তুমি ভাই একবার তাঁকে জিজ্ঞাসা করে এসো, তিনি এখন বসবেন কিনা। ততক্ষণ। তুমিই বরং তাঁড়ারটা আগলাও।

জগা

বাবু, একটু পাশ দেন—

প্রসন্ন (ফিরিয়া)

য্যা? তুই বেটা আবার এটাকে নামিয়ে এনেছিস?

জগা

আজ্ঞে না, আবার তো নয়, সেই সকালেই এনেছিলাম।

প্রসন্ন

বলি, সকালেই বা এনেছিলি কেন? যা খুশী তাই তোরা করছিস। ভালো জিনিষটা নীচে একবার আনলে আর কি আস্ত থাকবে?

পৃথ্বীশ প্রায় বাহির হইয়াছিল। শুনিতে
পাইয়া ফিরিয়া বলিল

পৃথ্বীশ

না দাদা, ওটা ওর দোষ নেই। আমিই ওটা নীচে আনতে বলেছিলুম। যা, ওপোরে নিয়ে যা।

পৃথ্বীশ বাহির হইয়া গেল

প্রসন্ন

(প্রস্থানোত্ত জগাকে) জগা, শোনো। (জগা ফিরিল)
ছোটবাবু নীচে আনতে বলেছিলেন কেন রে?

জগা

এই ঘবে পাঁচবার জন্মে ।

প্রসন্ন

তবে আবার ওপোরে নিয়ে যাচ্ছিস যে ?

জগা

আজ্ঞে, আপনি ওপোরে বড়ঘবে পাঁচতে বলেছিলেন
কি না তাই ।

প্রসন্ন

হলই বা আমি বলেছিলুম । ছোটবাবু আমার চেয়ে বয়সে
ছোট, তা তো জানিস ?

জগা

আজ্ঞে হ্যাঁ, জানি বইকি বাবু ।

প্রসন্ন

তবে ? ছোটবাবুর কথাটা থাকবে না, তার আমার
কথাটা থাকবে ? ছোটবাবুর বন্ধু বান্ধব আসবে, গান বাজনা
হবে । নামা বেটা, পাত্ এখানে ।

জগা

কিন্তু ছোটবাবু যদি রাগ করেন ?

প্রসন্ন

করুক রাগ । আমি ছোটবাবুর চেয়ে কত বড় সেটা
খেয়াল আছে ? আমার কথার ওপর ছোটবাবুর রাগ ?
আমি বলছি তুই এটা এ-ঘরে পেতে দে । ওপোরে একটা

সতরঞ্চি টতবঞ্চি পেতে দিলেই হবে। কী রে, সঙেব মতন
ইঁ কবে দাঁড়িয়ে বইলি যে ?

জগা

আজ্ঞে না।

প্রসন্ন

আজ্ঞে না আবার কী ? যা বল্লুম চটপট কর, অনেক
কাজ পড়ে রয়েছে।

জগা

আজ্ঞে হাঁ। তাই ভাবছি, এক কাজ করলে হয় না বাবু ?

প্রসন্ন

কী ?

জগা

আজ্ঞে ভাবছি সিঁড়িতে কি কার্পেট পাতা—মানে নীচেও
হয় ওপোরেও হয়, দুজনের কথাই বন্ধে হয়—

প্রসন্ন

(হাসিয়া)—বেটা চাষা কোথাকার। সিঁড়িতে কার্পেট
পাতবি কী বে ? পাগল না মাথা খাবাপ ?

জগা

(স্বগতঃ) দুইই হয়েচি বোধ হয়।

বাস্তবাবে পৃথিবীর প্রবেশ

পৃথিবী

দাদা—

প্রসন্ন

য়্যা ?

জগা

ছোটবাবু, এই কার্পেটটা—

পৃথ্বীশ

তুই ধাম্ । দাদা—

প্রসন্ন

হ্যাঁ, বল ।

জগা

বলছিলাম কার্পেটটা কি—

পৃথ্বীশ

আঃ, দাদা—

প্রসন্ন

হ্যাঁ, ভাই, ওটা আমিই—

জগা (মবিয়া হইয়া বলিয়া ফেলিল)

আপনারা দুজনে একতর হয়েছেন, এটা ওপোরে পাতবো
না নীচে—

পৃথ্বীশ

চুলোয় যাক তোর কার্পেট । (ধাকা দিয়া কার্পেটটা মাথা
হইতে ফেলিয়া দিল) দাদা ভয়ানক কাণ্ড হয়েছে ।

প্রসন্ন

কী, কী, কী হয়েছে ?

পৃথ্বীশ

মস্ত বড় জোচোরের পাল্লায় পড়া গেছে।

প্রসন্ন

সে কী ? কোথায় ?

জগা হাঁ করিয়া শুনিতো

পৃথ্বীশ

ঐ যে বুড়ো এসেচে—জগা বল্লে—বৌদির কাকা, বৌদিকে বল্লুম, বৌদি বলছেন ও মোটেই তার কাকা নয়। ও নাকি চাটুজ্যে।

প্রসন্ন

চাটুজ্যে ? কে চাটুজ্যে ?

পৃথ্বীশ

ঐ যে তোমার কোন বন্ধু মারা গেছেন, তাঁর বাবা, বাগবাজারে থাকেন।

প্রসন্ন

হ্যাঁ, হ্যাঁ, পরেশবাবু। এসেছেন ? চল, চল, একবার দেখা করে আসি।

পৃথ্বীশ

না না. ও সাত জন্মেও পরেশ চাটুজ্যে নয়। আমি নিজে পরেশবাবুকে নেমস্তম্ব করতে গিয়েছিলুম। তাঁর সঙ্গে দেখা করে এসেছি। তিনি সিঁড়ি থেকে পড়ে গিয়ে আজ এক সপ্তা শয্যাগত, কোমরের ব্যথায় নড়তে পাচ্ছেন না।

প্রসন্ন

বটে ? তাহলে তো বড় ভাবনার কথা হল পিতৃ !

পৃথ্বীশ

ভাবনার কথা বইকি ? এখুনি জামাইবাবুকে খবর দিয়ে
দি। তিনি ডেপুটি ম্যাজিস্ট্রেট, একটা যা হয়—

প্রসন্ন

তাঁকে খবর দিয়ে কী হবে ? ভাল ডাক্তার সঙ্গে করে
নিয়ে যেতে হবে। ডেপুটি ম্যাজিস্ট্রেট বললে তো আর
কোমরের ব্যথা শুনবে না।

পৃথ্বীশ

আহা, সে পরেশবাবুর জন্মে এখন ভাবছি না, তাঁর অসুখ
তেমন মারাত্মক নয়।

প্রসন্ন

নয় ? যাক্, তাহলে হয় নেই কিছু ? তবে কালই না
হয় যাব'খন। কী বল ?

পৃথ্বীশ

তা নয় যেও। কিন্তু ভয়ের কথা এদিকে যথেষ্ট রয়েছে।
এই যে লোকটা তোমার কাছে সেজেছে আমার মাস্টার মশাই,
বৌদিকে বনেছে ও পরেশ চাটুজ্যে, আবার লোকজনদের

কাছে পরিচয় দিয়েছে বৌদিব কাকা বলে, তারপর একেবারে
ঠেলে ভাঁড়াবে গিয়ে উঠেছে, এ তো সহজ লোক নয় ।

জগা

আজ্ঞে, মাযের চাবির বিংটা ছপুর থেকে পাওয়া যাচ্ছে
না । তাতে সব আলমাবৌ সিন্দুকের চাবি আছে ।

প্রসন্ন

চাবির কিং ?

জগা ষাড নাড়িল

পৃথ্বীশ

পাওয়া যাচ্ছে না ?

জগা পুনরায় ষাড নাড়িল

প্রসন্ন

সে কী ?

জগা

আজ্ঞে হ্যাঁ ।

পৃথ্বীশ

বলিস কী বে ?

জগা

আজ্ঞে হ্যাঁ ।

প্রসন্ন ও পৃথ্বীশ হা করিয়া পরস্পরের
দিকে চাহিয়া রহিল

অন্ত

অপরাহ্ন। পদ্মা উঠিল। সেই কক্ষ।
প্রসন্নবাবু, পৃথ্বীশ, সুকুমারী, মহালক্ষ্মী ও
জগা। সকলেই গম্ভীর, দুশ্চিন্তামগ্ন।

মহালক্ষ্মী

আমি এসে অবদি পই পই করে বোকে বলাচ, 'খুব সাবধান,
খুব সাবধান,' কাজকন্মর বাড়ীতে কত জোচ্চোর এসে ঢুকে
পড়ে, দেখিস। তা বৌয়ের আমাদের কিছু খেয়াল থাকে না।

সুকুমারী

(অপরাধীর স্তায়) তা ওই যদি ঢুকেই পড়ে, তো আমি
কী করব বল। বাইরে লোকজন রয়েছে, বাবুরা রয়েছেন,
আমি মেয়েমানুষ—

মহালক্ষ্মী

তাই বনে তুমি চাবিটা হারিয়ে বসবে ?

পৃথ্বীশ

যাক, এখন কী করা যায় তাই বল।

মহালক্ষ্মী

কী আবার করা যায়। দাদার কথা ছেড়ে দে। অত
ভালোমানুষির কাল নয়। আমি শুনেই তোর জামাইবাবুকে
কোর্টে টেলিফোন করে দিইচি। ভাগ্যে টেলিফোনটা আজ
কনেকসন দিয়ে গেছে।

প্রসন্ন

এর মধ্যেই নিখিলকে টেলিফোন করে দিলি ?

মহালক্ষ্মী

এর মধ্যেই আবার কী ? পালিয়ে গেলে তাবপর করে লাভ ?

প্রসন্ন

না, তাই বলছি। তাকে আবার মিথ্যে ব্যস্ত করা।

মহালক্ষ্মী

মিথ্যে সত্যি বুঝি না দাদা, তবে ব্যস্ত হওয়া দরকার। একুনি লোকজন নিয়ে এসে ধরে নিয়ে যাক।

প্রসন্ন

তা ধরে নিয়ে যাবার দরকার কী ? ওঁকে বল্লেই তো হয় চলে যেতে। তাহলে পিতু, ওঁকে এই বেলা বসিয়ে দাও, ওঁর খাওয়া হয়নি এখনো।

মহালক্ষ্মী

হ্যাঁ, আব চাবিটা দক্ষিণে নিয়ে যাক। এর পর একদিন তোমবা যখন বাড়ী থাকবে না, তখন এসে সব আলমারী দেয়াজ খুলে যথাসর্বস্ব বাব কবে নিয়ে যাবে। আর সে কি নিতে বাকী আছে এতক্ষণ ? বৌ আবার তাঁকে ওপোরে নিয়ে গিয়ে তাঁড়ারে পিতিষ্ঠে করেছেন। আদিক্যেতা !

সুকুমারী

তা তাই, তখন তো তোমরাও কিছু বল নি।

মহালক্ষ্মী

তোমার হলেন কাকা, আমি আবার কী বলব ? এমনতর কাকা, তা কি জানি ?

সুকুমারী

তাহলে, আমার চাবিটা কী করে উদ্ধার হয় বল ঠাকুরপো ?

প্রসন্ন

চাবি যদি উনি নিয়েই থাকেন তো চাইলেই তো হয়।

মহালক্ষ্মী

ইং দেবার জন্তে বয়ে গেছে ওর। সে কি কিরিয়ে
দেবার জন্তেই নিয়েছে কিনা।

পৃথ্বীশ

ওকে সার্চ করা হোক। পকেট, ট্যাক সব দেখো।

জগা—

জগা বীরদর্পে আগাইয়া আসিল

মহালক্ষ্মী

কিন্তু খুব সাবধান পিতৃ, ওদের কাছে ছুরি ছোরা সব
লুকোনো থাকে। দেখিস্।

জগা পিছাইয়া গেল

সুকুমারী

না না, কী যে বল ঠাকুরপো। বুড়ো মানুষ—

মহালক্ষ্মী

তুই থাম বো। বুড়ো আবার কিসের ? ও-রকম সেজে
না এলে কখনো ঢুকতে পায় ? সেই যে কাশীর পাণ্ডা
সেজে এসেছিল বল্লুম—

প্রসন্ন

না না, আমি দেখেছি, পাকা গোঁফ।

মহালক্ষ্মী

তুমি বোবো না দাদা । পাকা গৌফ অমন সবাব থাকে ।
তুমি টেনে দেখেছ, শাব নিজের গৌফ কি না ?

প্রসন্ন

(ঘাড় নাড়িয়া) না ।

মহালক্ষ্মী

তবে ?

সুকুমারী

তাহলে চাবি কি পাওয়া যাবে না, হ্যাঁ গা ?

প্রসন্ন

হ্যাঁ, হ্যাঁ, যাবে, যাবে । বোসো না—

জগা

হ্যাঁ পিসিমা, নলচালা আনলে হয় না ?

মহালক্ষ্মী

নলচালা ? নলচালা কী কববে বল্ তো ?

জগা

সে নলচলে ঠিক বলে দেবে চাবি কার কাছে আছে,
কি কোথায় মুকিয়ে বেখেচে ।

পৃথীশ

হ্যাঁঃ, যত সব বোগাস ।

মহালক্ষ্মী

ঐ তো তাদের দোষ । তোবা জানিস না, শুনবিও না ।
শোনই না আগে ।

জগা

না ছোটবাবু, আপনি অবিশ্বেস করছেন, কিন্তু এ আমাদের পেরতক্ষ দেখা। আমার পিসেম'শায়ের স্মৃষ্কিরে একবার কুকুরে কামড়েছেন—'

পৃথ্বীশ

পিসেম'শায়ের সন্স্কী ?

জগা

হ্যাঁ বাবু, তাঁর সাক্ষেৎ সহোদর স্মৃষ্কি, ঐ একটিমাত্র স্মৃষ্কি তখন—

পৃথ্বীশ

তোর পিসেম'শায়ে সন্স্কী, সে যে তোর বাপ রে মুখা।

জগা

আজ্ঞে না, তেনার দুই পক্ষ ছিলেন কিনা। পিসেম'শায়ের এ পক্ষের যে পিসীমা, তাঁরই মার পেটের আপন সহোদর ভাই। সেই ভাইরে একদিন কুকুরে কামড়ালো। দিন দুপুরে সকলের চোখের সামনে কোথেকে এসে কথা নেই বার্তা নেই খ্যাঁক করে কামড়ালো আর ছুটে পালিয়ে গেল। সে এক মহাকাণ্ড। শেষে নলচালা এলো।

প্রসন্ন

কুকুরে কামড়ানোর ওষুধ কি নলচালাতে দেয়, হ্যাঁ জগু ?

জগা

মানে, ডাক্তারে বলে সেই কুকুরটারে আগে পরীক্ষা করতে হবে। জ্যাও কথা বাবু। রুগী রইল পড়ে, তারে পরীক্ষা করা চুলোয় গেল, কুকুরেরে পরীক্ষা! কী জানি

বাবু কেমন ডাক্তারি। তা সে হতভাগা কুকুরটারে কোথাও পাওয়া যায় না। শেষে ডাকা হ'ল নলচালাকে।

মহালক্ষ্মী

তারপর ? তারপর ?

জগা

তারপর যেই না নল মন্তুর পড়ে ছেড়ে দেওয়া আর অমনি নল চল শন শন শন শন করে এগিয়ে। ইদিক উদিক ইদিক উদিক করে শেষে নল গিয়ে আটকালো এক বুড়ীর বাড়ীর উঠানে গোবর গাদার মধ্যে।

সুকুমারী

কী সব বাজে গল্প আরম্ভ করলি জগা ?

মহালক্ষ্মী

আহা, ওকে বলতেই দাও না। তারপর ?

জগা

(উৎসাহিত হইয়া) বাজে না মা, শুনুন। তখন নলচালা বলে বুড়ীর বাড়ীতে এসে যখন নল থেমেছে, তখন এইখানেই সেই কুকুরের আড্ডা। বুড়ী বলল কুকুর-টুকুর তার সাত জন্মেও সেই, সে একলাটি থাকে। নলচালা বলে তাহলে ঐ বুড়ীই নিশ্চয় কামড়েচে। বলে, আমার নল কখনো মিথ্যে কথা বলে না।

মহালক্ষ্মী

ওমা কী হবে ! তারপর ?

জগা

ছাড়লে না, পুলিশ ডেকে নিয়ে এলো। নলচালার কাছে
চালাকি নয় বাবা।

প্রসন্ন

সে কী রে ? পুলিশ আনলে ?

সুকুমারী

আহা, বুড়ো মানুষটাকে বিনা দোষে পুলিশে ধরলে গা।

জগা

না মা, পুলিশ আর ধরলে না। দারোগাবাবুর খুব বুদ্ধি,
তা নইলে আর ভগবান তাঁরে দারোগা করেছেন। তিনি
দেখলেন বুড়ীর মুখে একটাও দাঁত নেই, একদম ফোকলা।
তাই ছেড়ে দিলেন।

প্রসন্ন উচ্চ হাস্য করিলেন

জগা

(অপ্রতিভ হইয়া) একটা দাঁতও থাকলে দেখতেন, পিসে-
মশাই খুব কড়া লোক ছিলেন, হ্যাঁ!

পৃথ্বীশ

ননসেন্স, গাঁজাখুরি !

মহালক্ষ্মী

গাঁজাখুরি নয় পিতু। কত রকম কী আছে কিছু বলতে
পারা যায় ? ওসব আছে, এক রকম বিড়ে আছে। দিনের বেলায়
দেখ দিব্যি ভালো মানুষটি বসে আছে, আর রাত্তিরে এক মূর্তি

ধরে চরে খেয়ে এল। ওদেব কাছে কুকুর মূর্তি ধরতেই বা কতক্ষণ, আর বুড়ী মূর্তি ধরতেই বা কতক্ষণ বল ?

সুকুমারী

দেখ, আমাব কিন্তু ওঁকে মোটেই চোর ডাকাত বলে মনে হচ্ছে না বাপু। ভুল করে হযগে এসে থাকবেন।

পৃথ্বীশ

হ্যাঁ, ভুল কবে এসে তিন ঘণ্টা লোকের বাড়ীর মধ্যে বসে আছেন, ভুল করে ওপোবে গিয়ে উঠেছেন, ভুল করে চাবিটা আসটা সবাচ্ছেন ! ভুল। বাব কবছি ভুল ! ও নলচালা পুলিশ কি ছু কবতে হবে না, বলে মাঝে মাঝে চোটে ভূত পালায় তা চোব !

প্রসন্নবাবুর ভগ্নীপতি নিখিলের প্রবেশ।
অঙ্গে বিলাতি বেশ। শশব্যস্ত ভাব।

নিখিল

ধরা পড়েছে চোর ? কোথায় ?

পৃথ্বীশ

আমুন। (মাথা নাড়িয়া) ধরা আব পড়বে কী...

নিখিল

পালিয়েছে ? যা-নাঃ। ক'জন ছিল ? কী কী সরিয়েছে, তা বুঝতে পারা গেছে ? বৌদিব গয়নাগাঁটা কিছু গেছে না কি ?

মঙ্গলময়ী

কী যে বল তুমি। গয়না কোথায়—

নিখিল

আহা হা হা। কত টাকা হবে? হাজার দশেক, য্যা?—

মহালক্ষ্মী

না গো...

নিখিল

যাক, যতই হোক। বোদিরই বা এই ডামাডোনের দিনে গয়না সব আনবার দরকার কী ছিল? এই বাজারে—সোনার দাম ১১০৬০—

পৃথ্বীশ

না না, আপনি ভুল করছেন জামাইবাবু—

নিখিল

আরে ঐ হল। ১১০ না হয় ১০৮, it matters little—
সে কি খাব উদ্ধার হবে? গয়না উদ্ধার—সে একদম অসম্ভব।

মহালক্ষ্মী

কী বাজে বক্ছ তুমি? কে বল তোমাকে গয়না চুরি গেছে?

নিখিল

তবে? নগদ? সবই নগদ নিয়েছে? Good Gracious!
তবে তো hopeless। তবু গয়না হলেও বা একটা কথা ছিল,
গালাতে—বিক্রি করতে—

প্রসন্ন

নিখিল, তুমি ভাই ব্যস্ত হয়ে না। টাকাকড়ি গয়নাগাঁটা
কিছু চুরি বা ডাকাতি হয় নি। তুমি ঠাণ্ডা হয়ে বোসো।

নিখিল

কিছু চুরি হয় নি? তার মানে? What's the idea?
Making fun of me? Pulling my legs? (মহালক্ষ্মীর
প্রতি) আজ তো ১লা এপ্রিল নয়, তবে টেলিফোন করে
এই ঠাট্টার মানে?

মহালক্ষ্মী

মানে আবার কী? আমার আর খেয়ে দেয়ে কাজ নেই,
তাই তোমার সঙ্গে গেলুম ঠাট্টা করতে।

নিখিল

তুমিই তো ফোনে বললে—

মহালক্ষ্মী

বলুমই তো।

নিখিল

চোর না ডাকাত কী এসেছে—

মহালক্ষ্মী

এসেছেই তো।

নিখিল

অথচ দাদা বলছেন কিছু চুরি যায় নি—

মহালক্ষ্মী

যায় নিই তো। য্যা—যায় নি তো কী?

নিখিল

Hopeless! আরে কী গিয়েছে সেটা বল? (টেবিল
চাপড়াইল)

মহালক্ষ্মী

(উচ্চ কণ্ঠে) বোয়ের চাবি গো চাবি ।

নিখিল

God Almighty ! চাবি ! ফুঃ !

বন এতদগণের কঙ্ক নিঃস্বাস ত্যাগ করিয়া
বসিয়া পড়িল ।

পৃথ্বীশ

আপনি কি বলতে চান চাবি জিনিষটা তুচ্ছ ? চাবিই
যদি চুরি গেল তো . কি রইনো কী ?

জগা

আজ্ঞে, কথায় বলে সবসময় তোমার চাবি কাট্টে আমার ।

নিখিল

হঁ । Something is better than nothing. চাবিই
বা চুরি যাবে কেন ? সত্যি । কাব চাবি ? বৌদির ? (সুকুমারীর
প্রতি চাহিল)

সুকুমারী

(কুণ্ঠিত ভাবে) হ্যা ভাউ, আমারি চাবি ।

নিখিল

চুরি গেছে ?

সুকুমারী

হ্যা । না না, চুরি গেছে বলতে পারি না—

নিখিল

তবে ?

সুকুমারী

হাবিয়ে গেছে। মানে আমিই কোথায় বেখেছি, কি কোথায় পড়ে গেছে—

মহালক্ষ্মী

কোথায় আবার পড়ে যাবে? নিশ্চয় চুরি কবেছে ঐ বুড়োটা।

নিখিল

এর মধ্যে আবার বুড়োও আছে একটা। আর তুমি এ সম্বন্ধে অনেক কিছু জানো বলে বোধ হচ্ছে। আচ্ছা, তোমার statement পবে নেওয়া হবে। Let me proceed with, I mean, আগে বৌদির কথাটা শোনা যাক। হ্যাঁ, বৌদি, আপনি বলছেন চুরি যায় নি?

সুকুমারী

(মাথা নাড়িয়া) না।

নিখিল

হাবিয়ে গেছে?

সুকুমারী

হ্যাঁ।

নিখিল

না কি পাওয়া যাচ্ছে না?

সুকুমারী

হ্যাঁ, হ্যাঁ (মাথা নাড়িল)।

প্রসন্ন

হ্যাঁ নিখিল, হারিয়ে গেছে, আর পাওয়া যাচ্ছে না, দুটোতে তফাৎ কী ভাই ?

নিখিল

আছে দাদা তফাৎ আছে। There's a world of difference between the two. সে আপনাকে পরে বুঝিয়ে দিচ্ছি। (সুকুমারীকে) আচ্ছা, আপনি চাবিটা last কোথায় দেখেছিলেন বলুন তো বৌদি ?

সুকুমারী

আমার আঁচলে। উহু, দেবরাজে লাগানো। না, না, চৌবাচ্চার পাড়ে—

নিখিল

বুঝেছি। আচ্ছা সে যাক। এ বাড়ীতে, না পুরোণো বাড়ীতে, সেটা মনে আছে ?

সুকুমারী

এ বাড়ীতে বই কি। চাবি আমি এনেছি।

প্রসন্ন

হ্যাঁ, আমারও যেন মনে হচ্ছে—

নিখিল

Excuse me দাদা, আপনি—(চুপ করিয়া থাকিতে ইঙ্গিত করিল)

প্রসন্ন

ও হ্যাঁ হ্যাঁ।

নিখিল

হ্যাঁ, তাবপব বৌদি, আপনি ব. ছিলেন চাবি আপনি এ
বাড়ীতে এনেছেন ?

সুকুমারী

হ্যাঁ ভাই, নিশ্চয় এনেছি ।

নিখিল

ঠিক মনে আছে কি ? ভুলও তো হতে পারে ।

সুকুমারী

না না, সে কী কথা, আমার বেশ মনে পড়ছে ।

নিখিল

হুঁ । আপনি আজ ভোবে এ বাড়ীতে এসেছেন, কেমন ?

পৃথ্বীশ

হ্যাঁ, আমাদের তো কাটা আসতে ছিল না কিনা । কাল
পিসিমা-টিসিমা সব—

নিখিল

(প্রবল কণ্ঠে) Will you stop talking please ?
আমি ঠুকে জিজ্ঞাসা করছি তোমাকে নয় । Dont try to
help the wrong ৭. (সুকুমারীকে) আপনি বলুন তো,
আপনি আজ ভোবেই এসেছেন, না ?

সুকুমারী

হ্যাঁ ।

নিখিল

বেশ । আসবার সময় ছেনেপুলে জিনিষ পত্র নিয়ে বেশ
একটু গোলমাল হয়েছিল, নয় কী ?

সুকুমারী

ও বাবা, তা আব হযনি ? বাস্তিন চাবটেব গময় উঠেছি
ভাই, তবু যাত্রা কববার সময় বয়ে যায় আর কি । উনি তো
বাস্ত হয়ে পড়লেন, সে যা কাণ্ড ।

নিখিল

(সহাস্তে) হুঁ, ব্যস্ত আপনিও খুবই হয়েছিলেন । তাড়া-
তাড়িতে—

সুকুমারী

তাড়াতাড়ির কথা আব বোলো না ভাই, এই লোকটিকে
তো চেন ভাই, যা তাড়া লাগালেন—

নিখিল

আমিও তো তাই বলছি । আচ্ছা । এইবাব আপনি বেশ
করে ভেবে বলুন তো, এ বাড়িতে এসে আপনি কোনো
আলমারী কি দেরাজ খুলেছেন, সেই রিংএব চাবি দিয়ে ?

সুকুমারী

হ্যাঁ, ওঁর আলমাবিটা একবার খুলেছিলুম, তা সে বোধ
হয় ওঁবই কাছ থেকে চাবি নিয়ে, না গো ?

প্রদরবার উত্তর দিতে মুখ খুলিয়াই
নিখিলো ম'খর দিকে চাহিয়া নিষেধ স্বরণ
করিয়া মুখ বন্ধ করিয়া ফেলিলেন

নিখিল

বেশী কথা বলবার দরকার নেই বৌদি, please, খালি হ্যাঁ

কি না বলবেন, বুঝলেন ? আপনাব রিংএর চাবি ব্যবহার কবেছিলেন কি না ?

সুকুমারী

কই মনে পড়ছে না ঠিক ।

নিখিল

I thought as well. বেশ । আপনাবা, তোমবা, কেউ কি আজ, এ বাড়ীতে, বৌদির চাবির বিং দেখেছ ?

নিখিল একে একে সকলের মুখের প্রতি চাহিল, সকলেই ঘাড় নাড়িয়া বা মূর্ছার জানাইল, না, দেখে নাই । নিখিল হাসিমুখে ঘাড় নাড়িল ও বলিল—‘হঁম্’

প্রসন্ন

নিখিল, এবাবে একটা কথা জিজ্ঞাসা করতে পারি কি ?

নিখিল

(অতি উদারতার সহিত) By all means. বলুন ।

প্রসন্ন

তুমি কী বুঝতে চেষ্টা করছ বল তো ভাই ?

নিখিল

মানে, What am I driving at ? এক্ষুণি দেখতে পাবেন । I'm coming to that. তাহলে কেউই সেই missing ring দেখনি ? আজ ? এ বাড়ীতে ? (সকলে পুনরায় ঘাড় নাড়িল) Just so. Very well. Now বৌদি, I put it to you, I mean, আমি আপনাকে বলছি আপনার চাবির রিং একেবারেই হাবাষ নি ।

প্রদর, মহালক্ষ্মী, পৃথ্বীশ, জগা সবিন্ময়ে
পরস্পরের মুখের প্রতি চাহিল। নিখিল
পরম নিশ্চিন্তভাবে পকেট হইতে রুমাল
বাহির করিয়া কপালের ঘাম মুছিল। একটা
ভটিল মামলার সমাবান করিয়াছে, এমনই
ভাব তাহার।

সুকুমারী

(স্তম্ভিত ভাবে এক মুহূর্ত চুপ করিয়া থাকিয়া) হারায় নি ?
চাবির রিং হারায় নি ?

নিখিল

না বৌদি, হারায় নি। কারণ সে রিং আজ আপনার এ
বাড়ীতে মোটে আনাই হয়নি।

সুকুমারী

আনাই হয়নি ? সে কো ? আমি যে—

নিখিল

আহা-হা, তাড়াতাড়ি করবেন না, বেশ করে খেবে তবে
কথা বলবেন।

সুকুমারী

আনি নি ?

নিখিল

না, আনেন নি।

সুকুমারী

আনি নি ?

নিখিল

(কথায় আরও জোর দিয়া) না-না-না, আনেন নি ।

সুকুমারী

ত-না-না হবে । কিন্তু—

নিখিল

আর কোনো কিন্তু নেই বৌদি, আপনি বলতে তো পারলেন না—

মহালক্ষ্মী

(ঝাঁকিয়া) আবার কী করে বলবে ? সকাল থেকে বলছে চাবি পাচ্ছি না, চাবি পাচ্ছি না । বাড়ী সুদ্ধ লোক জানে—

নিখিল

(মহালক্ষ্মীর অপেক্ষা উচ্চতর কণ্ঠে) বাড়ী সুদ্ধ লোকের কথা বাড়ী সুদ্ধ লোক ব-বে । তুমি কী জানো তাই বল । এদিকে এসে দাঁড়াও । বৌদি নেমে যান ।

মহালক্ষ্মী

আমার বয়ে গেছে দাঁড়াতে ।

নিখিল

আচ্ছা, ঐখান থেকেই বল । বল কী জানো ?

মহালক্ষ্মী

আমি জানি বৌদির চাবি হারিয়েছে ! হারিয়েছে কেন চুরি গেছে ।

নিখিল

তুমি দেখেছ হারিয়ে যেতে ?

মহালক্ষ্মী

হারিয়ে যেতে আবার কেউ দেখে নাকি ?

নিখিল

(অপ্রতিভ) থাক, থাক, । আচ্ছা, বৌদি চাবি এনেছিলেন
তা তুমি দেখেছ ?

মহালক্ষ্মী

(জোবের সত্যি) হ্যাঁ দেখেছি ।

নিখিল

কখন দেখলে ?

মহালক্ষ্মী

আমি এসে বসেছি মাস্তুর—বৌ তো রাগ করতে লাগলো
অত বেলায় এসেছ বলে, রাগ করবার কথাই তো, তা তোমার
জ্বালায় তো সময়ে গাড়ী পাবার জো নেই—

নিখিল

সময় নষ্ট কোবো না, সময় নষ্ট কোরো না, চাবির
কথা হচ্ছে ।

মহালক্ষ্মী

সেই কথাই তো বলছি গো । এসে বসেছি, জগা এসে
জিঙ্কেস করলে এঁচোড় কতগুলো রাখবে । তা বৌ বলে
অত এঁচোড় কী হবে এ-বেলা, আমি বলুম সত্যিই তো, ওর
আদেক এঁচোড় হলেই—

নিখিল

তোমার যদি চাবির কথা কিছু জানা না থাকে, তাহলে তুমি এখন যেতে পার। এঁচোড় নিয়ে যখন মামলা বাঁধবে, তখন তোমাকে ডেকে পাঠানো যাবে।

মহালক্ষ্মী

(চটিয়া) কে এঁচোড়ের কথা বলছে ?

নিখিল

কেউ বলেনি, আমি বলছি।

প্রসন্ন

(এতক্ষণ স্মিতমুখে ইহাদের কলহ উপভাগ কবিতেছিলেন)
আঃ নিখিল, কেন ওকে ক্ষ্যাপাচ্ছ ভাই? আব লক্ষ্মী তুই-ই বা মিছিমিছি ক্ষেপাছিস কেন বল তো।

মহালক্ষ্মী

আমার ব্যয়ে গ্যাছে ক্ষেপতে। হাকিমি ফলাতে এসেছেন আমার কাছে। অমন ঢেব হাকিম আমি ঠিক কবে দিইছি।

নিখিল

(হাসিয়া) শুন্ন বোদি শুন্ন। আমি তো জানতুম এই একটি হাকিম নিয়েই ওঁর কারবার। আবও যে অনেক আছে তা তো জানতুম না। (মহালক্ষ্মীকে) তা থাকে থাকুক, এখন চাবি যে বোদি এনেছেন তুমি বলছ, কী কবে? সেইটে বল।

মহালক্ষ্মী

আমার সামনে বৌ জগাকে বলে, এই নে চাবি নিয়ে যা।
বলে আঁচল থেকে খুলে দিতে গিয়ে দেখে চাবি নেই।

নিখিল

তা হ'লে তুমি চাবি দেখলে কোথায় ?

মহালক্ষ্মী

আমি আর দেখব কী করে ? আমাকে দেখতে দিলে কই ?
তার আগেই তো উনি হারিয়ে বসে আছেন ! এতো করে
বল্লুম সাবধান সাবধান—

নিখিল

থাক, তুমি যা দেখেছ তা বোঝা গেছে।

পৃথ্বীশ

তা হ'লে আপনি কি বলতে চান জামাইবারু যে বৌদি
চাবি—

নিখিল

হ্যাঁ, আমি বলতে চাই চাবি বৌদি আজ আনতেই ভুলে
গেছেন। শুনলে তো কী বাস্তবতার মধ্যে আসা হয়েছে।
চাবি আনবেন বলে এতো টিক ছিল যে ওঁর ধারণাই হয়ে
আছে যে উনি এনেছেন, until she missed it. এ রকম
ভুল মানুষের হয়েই থাকে। আনতে ভুলেছেন এ এক রকম
ভুল, কিন্তু তার চেয়ে বড় ভুল 'এনেছি' এই illusionটা। যাক,
সে অনেক কথা। সাইকোলজিতে একে বলে—

মহালক্ষ্মী

চুলোয় যাক তোমার সাইকোলজি। এত বড় এক
খোলো চাবি, তার সঙ্গে দেড় হাত লম্বা এক চেন, সব উনি
ছাইকোলজি দিয়ে উড়িয়ে দিলে চান।

প্রসন্ন

রোসো, বোসো। লম্বা চেন। ঝুলচে, না? আমি
যেন কোথায় দেখলুম? হ্যাঁ, দেখেছি।

মহালক্ষ্মী

(নিখিলকে) এইবার? কী হয়?

নিখিল

আজ দেখেছেন? হ্যাঁ দাদা?

প্রসন্ন

হ্যাঁ, আজই দেখেছি—

নিখিল

ঠিক মনে আছে দাদা? আজই দেখেছেন?

প্রসন্ন

হ্যাঁ ভাই, আজ দেখেছি বলেই তো মনে হচ্ছে।

নিখিল

There you are! মনে হচ্ছে। আপনি বৌদির ঐ
লম্বা চেনওয়াল। চাবির রিং এত অসংখ্য বাব দেখেছেন যে
আছে তাব মনে হচ্ছে, mark my words, মনে হচ্ছে—আজও
এখন চাবি। এত আব এক রকমের ভুল। আপনাদের
সেইটে বল memory-র plate-এ ঐ লম্বা চেন আর এক খোলো

চাবি এমনি স্পর্শে ভাবে ফোটোগ্রাফ দৃ হয় গেছে যে ত দিন মনে করলেই মনে হবে এই যেন কোথায় দেখলেন ।

প্রসন্ন

(মাথা নাড়িতে নাড়িতে) তা হবে । হ্যাঁ মনে করলেই মনে হচ্ছে বটে । হ্যাঁ, তা হ'লে বাধ হয় আজ দেখিনি, কালই দেখে থাকব ।

নিখিল

(বিজয় গর্বে মহালক্ষ্মকে) শুনলে ? কী গো শুনলে তো ?

মহাশয় । উত্তর দিলেন না মগ বুঝাটীয়া
গইলেন

সুকুমারী

আচ্ছা, আমি একটা কথা ব'নি ওই ঠাকুরজামাই । তুমি
তো ব'লছ আমি চাবি আনিই নি এ বাড়ীতে, কেমন ?

নিখিল

হ্যাঁ, আমি তাই বলছি ।

সুকুমারী

আচ্ছা, তাই যদি না আনব, তা হ'লে এ বাড়ীতে চাবি
আমি হারালুম কী করে ? তা ব'ল ?

নিখিল

এ বাড়ীতে চাবি তো আপনি হারান নি ।

সুকুমারী

(এক মুহূর্ত চুপ করিয়া থাকিয়া, তারপর যেন এক অকাটা
যুক্তি মনে পড়িল) এ বাড়ীতে হারাই নি ? বাঃ, তা না

হাবালে চাবি আমার গেল কোথায় ? চাবি যে আমি আনলুম সেটা পাচ্ছি না কেন, সেটা বল ?

নিখিল

(প্রথমটা এই অতি শব্দ যুক্তিহীন যুক্তির কী উত্তর দিবে তাহা ভাবিয়া পাইন না। তাবপব বলিন) যাবে আবার কোথায় ? চাবি দেখুন গে আপনাদের পুরোনো বাড়ীতে পড়ে আছে। এ বাড়ীতে চাবি আসে নি, that's proved & finally proved. And necessarily এ বাড়ীতে আপনার চাবি হাবাথ নি বা চুরিও যায় নি। Don't you worry.

মহালক্ষ্মী

(জোরের সহিত) আমি বলছি এটা বাড়ীতেই হাবিয়েছে।

নিখিল

আমি বলছি হাবাথ নি। যদি এ বাড়ীর ভেতর থেকে চাবি কেউ বাব করতে পারে, তবে বলব হ্যাঁ।

মহালক্ষ্মী

ও—ওঃ। যদি .ব.বাব তখন উনি ব.বেন হ্যাঁ। তখন তুমি হ্যাঁ বললে কি না বরেনো তাতে ভারি বয়ে গেল। চাবি এ বুড়োই চুরি কবেছে।

নিখিল

(উত্তেজিত হইল) ককখনো বুড়ো চুরি করে নি।

মহালক্ষ্মী

হ্যাঁ করেছে।

নিখিল

না করে নি । (টেবিল চাপড়াইল) ।

মহালক্ষ্মী ও নিখিল (প্রায় একই সঙ্গে)]

হ্যাঁ—না—

নিখিল

ধামো, ধামো, বুড়ো বুড়ো যে করছ সেই থেকে, বুড়োটা কে বলো তো ?

মহালক্ষ্মী

তাই জানেন না, উনি আবার তার হয়ে লড়তে এসেছেন ।
কে তা আমি কী করে জানব ।

নিখিল

তার মানে ?

পৃথ্বীশ

তার মানে আমি বলছি । একটা লোক, আমাদের সম্পূর্ণ
অজানা, অচেনা, ছপুর থেকে এসে বাড়ীর মধ্যে বসে আছে—

নিখিল

লুকিয়ে ?

পৃথ্বীশ

লুকিয়ে কেন ? ঐ তো ওপোরে মিষ্টির ভাঁড়ার আগলাচ্ছে ।
তার কথাই—

নিখিল

রোসো, রোসো । অচেনা অজানা লোক ভাঁড়ার
আগলাচ্ছে । সেটা কী রকম হল ?

মহালক্ষ্মী

তবে আর বলছি কী? তুমি তো তার জগ্গে খুব ওকালতি করছিলে।

নিখিল

দেখ সে আমি কববই। আমাদের আইনে বলে, বরং একশোটা নির্দোষ লোককে ছেড়ে দেবে, তবু একটা দোষী লোককে শাস্তি দেবে না।

উদ্ভিজিতে নিখিলের এই ভুল লক্ষ্য করিয়া
প্রসন্নব প্রদয় বালক কপালে উঠিল, ঠোঁটে
হাসি ফুটিয়া উঠিল।

আর তা ছাড়া বাড়ীর মধ্যে ঢোকা যত অশ্রায়ই হোক, চুকেছে বলেই যে সে চোব হয়ে যাবে তাব কোনো মানে নেই। বাড়ীতে ঢোকাব জগ্গে যে চার্জ মেটা Trespass, Section 441 and 442 I. P. C. আব চুবিব জগ্গে হল Theft, Section 378, 379, 380 and 381 I. P. C.। তার ওপোর তোমাদের চাবি তো চুবিই যায় নি।

মহালক্ষ্মী

যায় নি তো কি আমি লুকিয়ে রেখেছি, না দাদা নিয়ে বসে আছেন, দিচ্ছেন না?

নিখিল

সে তুমিই জানো আর তোমার দাদাই জানেন। কিন্তু সে কথা থাক। তোমাদের অচেনা ভাঁড়ারী বুড়োটির কথা তো ঠিক বুঝলুম না, ব্রাদার।

পৃথ্বীশ

লোকটা যে আস্ত জোচ্চোর, আব খুবই ধড়ীবাজ তাতে আর সন্দেহ নেই। চালাকিটা দেখুন, দাদাকে বলেছে সে আমার পুরোগো মাফটার মশাই—

প্রসন্ন

না, না, তিনি বলেন নি, আমিই—

পৃথ্বীশ

যাই হোক, বৌদিকে বলেছে তার নাম পরেশ চাটুজ্যে—

সুকুমারী

সে ভাই আমিই মনে করেছিলুম বুঝি—তিনি নাম টাম কিছু বলেন নি।

পৃথ্বীশ

তাই বা নাম বলেন নি কেন ?

মহালক্ষ্মী

তার পর বৌয়ের কাকা সেজে ঠেলে গিয়ে ওপোরে উঠেছেন।

সুকুমারী

সেটা আমারই দোষ ভাই। আমিই—

মহালক্ষ্মী

তুই আর কথা কোন্সু নি বৌ। এত করে বল্লুম—একটু সাবধান নেই।

নিখিল

ব্যাপারটা ঘোরালো বটে। পরশু আমাদের পাড়ায় এক বেটা কাশীর পাণ্ডা সেজে এসে একেবারে—

মহালক্ষ্মী

সে আমি সব বলিচি, সব বলিচি, এসেই বৌকে বলিচি ।
তাতেও এই কাণ্ড ।

নিখিল

হঁ, তুমি যখন এসেছ তখন লোমহর্ষণ কাহিনী যা, তা
বসতে কিছু বাকি রাখোনি নিশ্চয় । (কয়েক মুহূর্ত্ত চিন্তা
করিয়া) কিন্তু এখানে আমরা তার বিচার করলে তো চলবে
না । He must put in appearance and stand the
trial । তাকে আসতে হবে । ধরো তার যদি কিছু defence
নেবার থাকে । হ্যাঁ, ডাকে তাকে । জগা—

জগা

আজ্ঞে ? আমাকে বলছেন ? ডেকে আনব ?

নিখিল

নিশ্চয় । আমার সামনে এলে পাঁচ মিনিট ক্রস্ করলেই
তার ধড়ীবাজী বার করে দেব । যা, ডেকে আন ।

জগা

হ্যাঁ পিসিমা, যাব ? তেনাব কাছে যদি—ঐ যে বলছিলেন—

পৃথ্বীশ

কিছু করতে হবে না, কিছু করতে হবে না । বলে
মারের চোটে ভূত পালায় তা চোর । আমি হাণ্টার নিয়ে
ঘাড় ধরে টেনে আনছি, দেখ না ।

প্রস্থানোত্ত

নিখিল

উহ-হুঁ ও-রকম গোঁয়ার্তুমি কোরো না ব্রাদার,
গোঁয়ার্তুমি কোরো না। তাহলে আর ক্রস্ করে বাগাতে পারা
যাবে না। আচ্ছা চল, আমিই যাচ্ছি, আগে লোকটাকে
unawares দেখে নিই। চল।

নিগিল, পৃথুীশ ও সর্কশেষে জগার প্রস্থান

প্রসন্ন

এই দেখ, পিতুটা আবার কী কাণ্ড করে দেখ।

সুকুমারী

শুভকন্মে কী গেরো বল দিখিনি।

প্রসন্ন

কিন্তু আমি তো বুঝতে পারছি না তোমরা এইটুকু বাপার
নিয়ে এত হৈ চৈ কাণ্ড করছ কেন ?

ভিতরে একটা গোলমাল শোনা গেল

প্রসন্ন

আবার কী হল ? পিসিমার গলা পাচ্ছি যেন।

জগার প্রবেশ

কী হয়েছে রে ? পিসিমা চেঁচাচ্ছেন না ?

জগা

আজ্ঞে হ্যাঁ, ঠাকুমা ঝিয়েদের বকাবকি করছেন। আর
গাড়ী ডাকতে বলছেন, তিনি চলে যাবেন।

প্রসন্ন

কোথায় চলে যাবেন ?

জগা

বলছেন তিনি পুবোণো বাড়ীতেই থাকবেন। নয় তো কাশী চলে যাবেন। এখানে তার একদণ্ডও থাকবেন না।

প্রসন্ন

কেন তাঁর আবার কী হল ?

জগা

ঠাকুমা বলছেন বাড়ীতে ডাকাও এসেছে, তাঁর যথাসব্বস্ব চুরি গেছে।

প্রসন্ন

তাই তো! তাঁর আবার কী যথাসব্বস্ব গেল। নাঃ, আমি আর পাবি না। এদিকে দেখব না ওদিকে দেখব? লক্ষ্মী দেখ তো দিদি, একবার ভেতবে গিয়ে দেখ।

মহালক্ষ্মী ও জগার প্রশ্নান

যত সব হয়েছে হুঁঃ! কোথায় কী তার ঠিক নেই, মিথ্যে হাঙ্গামা সব!

সুকুমারী

আমারও তাই মনে হচ্ছে। দেখ, তোমার কাছে বলি, ঠাকুরজামাইকে যেন বোলো না, সত্যি বলছি চাবি আমি এ-বাড়ীতে এনেছি, তোমার গা ছুঁয়ে বলছি। তোমার কাছে তো মিথ্যে বলি না—

প্রসন্ন

আহা হা, এর জন্তে আবার গা ছুঁতে হবে কেন? তোমাকে কি আর আমি চিনি না? মিথ্যে—কী আশ্চর্য্য, মিথ্যে তো তুমি

কারও কাছেই বলতে পারো না। মানে, ওটা তোমার খাতের
জিনিষই নয় বড় বৌ, হাঃ হাঃ হাঃ।

সুকুমারী

ঠাকুরবি শুনলে রাগ করবে, কিন্তু চাবি আমিই কোথায়
ফেলেছি। জানো তো আমার ঐ রোগ। কিন্তু আমার
মনে হচ্ছে এখনই হয় তো পাওয়া যাবে।

প্রসন্ন

নিশ্চয় পাওয়া যাবে। আমি বলছি পাওয়া যাবে। তুমি
দেখে নিও। তোমরা খালি মিছে ব্যস্ত হও বই তো নয়।
তুমি ভেবো না বড়বৌ, কেউ না পারে, আমি তোমার চাবি
বার করে দেবো, যেখান থেকে পারি।

সুকুমারী

তুমি যখন বলছ তখন পাওয়া যাবেই। কিন্তু তুমি ছাথো
বাপু, ঠাকুরপো যেন মারধর না করে। আহা বুড়ো মানুষ!

প্রসন্ন

আমি সব ঠিক করে দিচ্ছি, সব ঠিক করে দিচ্ছি। আরে
পিতুটা একেবারে ছেলেমানুষ, খালি ঐ বায়োস্কোপ দেখে
দেখে ওদের মাথায় আর কিছু নেই। আর লক্ষ্মীটা তো
পাগল। নিখিলের কোর্টের গল্প শুনে আর দিনরাত ঐ
ডিটেক্টিভ উপন্যাসগুলো পড়ে, ওর ধারণা জগৎটা খালি
চোর আর ডাকাতে ভর্তি, বুঝলে?

মহালক্ষ্মীর প্রবেশ

প্রসন্ন

কী রে, পিসিমার কী যথাসর্বস্ব চুরি গেছে, লক্ষ্মী ?

মহালক্ষ্মী

(সহাস্তে) আপিঙের কোটোটা। খুঁজে পাচ্ছিলেন না, খুঁজে দিইছি।

প্রসন্ন হাসিতে লাগিলেন

মহালক্ষ্মী

(গম্ভীর হইয়া) কিন্তু হাসি নয়, তোমবা আগে ঐ বুড়োকে বিদেয় কর দাদা। সন্কো হয়ে আসছে আমার যেন কেমন গা ছম্‌ছম্ কবছে। লোকজন এসে পড়লে ভিড়েব ভেতর ও যে কী করবে আব কী না কববে তা কে জানে। ও গেলে বাঁচি। এক্ষুণি ওকে বিদেয় কবা চাই-ই-চাই।

নিখিলের প্রবেশ

নিখিল

বিদেয় আর করতে হবে না, সে আগেই গেছে।

প্রসন্ন

সে কী ? চলে গেছেন ?

মহালক্ষ্মী

পালিয়েছে ? তোমবা ধবতে পারলে না ?

নিখিল

ধরব কাকে ? সে কি আমাদের সামনে দিয়ে পালিয়েছে ? তোমাদের যেমন ! এখানে গুলতুনি করছ, আব ওদিকে খিড়কির দরজা দিয়ে সে সরে পড়েছে। লোকটার মাথা আছে।

মহালক্ষ্মী

(সক্রোধে) ধরতেই যদি পারো নি, তবে তোমরা এতক্ষণ করছিলে কী ?

নিখিল

বাড়ীটা সমস্ত সার্চ করে এলুম, যদি কোথাও লুকিয়ে টুকিয়ে থাকে ।

সুকুমারী

ঠাকুরপো কোথায় গেলেন ?

নিখিল

ব্রাদারের এখন বুদ্ধি বেড়েছে, খিড়কির দোরে তাল লাগাচ্ছেন ।

সুকুমারী

তাহলে এখন কী হবে ?

নিখিল

কী কী সরিয়েছে তা তো এখন বোঝা যাচ্ছে না । দাদা, আপনার Stock-taking করুন । সেই কাশীর পাণ্ডাটা বলেই বোধ হচ্ছে । Exactly the same tactics, সেই বেটাই হবে । কিম্বা সেই দলের নিশ্চয় । They may be working in a gang, for all we know.

সুকুমারী

আচ্ছা, সেই লোকটার কি গৌফ ছিল ? হ্যাঁ ভাই ঠাকুরজামাই ?

নিখিল

গোঁফ ? কার ?

সুকুমারী

সেই কাশীর পাণ্ডাব ?

নিখিল

তা তো বলতে পারি না। কেন ?

সুকুমারী

(আশাবিস্তৃত স্ববে) এঁর কিন্তু গোঁফ আছে। দিবি পাকা গোঁফ।

জগার প্রবেশ

নিখিল

আহা হা, গোঁফের ভাবনা কী ? গোঁফের জন্মে কি কাজ আটকায় ? যাক্গে, আমি আব সময় নষ্ট কবব না। গাড়ীটা সঙ্গে বয়েছে, একবার বেরিয়ে দেখি। এব মধ্যে আর কতদূর যাবে ? এখনো হয়তো পথে তাকে overtake করতে পারি। At any rate I must try. (প্রস্থান ও পুনঃ প্রবেশ) Goodness ! আমি এ লোকটাকে চিনব কী করে ? I don't think I have seen the man. কে দেখেছ তাকে ?

জগা

আমি দেখিচি পিসেমশাই। বুড়োপানা, পাকা গোঁপ—

নিখিল

Hang your পাকা গোঁফ। সবাই দেখছি তার গোঁফ

দেখেই মজে গেছে। তুই চলে আয় গাড়ীতে আমার সঙ্গে।
Not a moment to lose.

জগার হাত ধবিয়া টানিয়া লইয়া প্রস্থান।
পরক্ষণে হাণ্টার হাতে ভিতর হইতে
পৃথিবীর প্রবেশ

পৃথিবী

উঃ, বলতে গেলে চোখের ওপর দিয়ে পালানো। আমার
এমনি আফশোষ হচ্ছে।

প্রসন্ন

তোমরাই তো হটগোল করে ভদ্রলোককে তাড়ালে।
তার খাওয়াই হয়নি। আজকের দিনে—

পৃথিবী

একবার চেহারাখানাই দেখা হল না। তা হলে ভালো
করে খাওয়াতুম।

মহালক্ষ্মী

কিছু ভাবিসনি পিতু। পালাবে কোথায়? তোর
জামাইবাবু নিজে গেছে মন্দির নিয়ে, দরকার হলে পুলিশ
কমিশনারকে লাগিয়ে দেবে খুঁজতে। ওর সঙ্গে ভারি ভাব
কিনা। দেখিস, ধরা পড়বেই জোচ্চোর বুড়ো।

পৃথিবী

হাতে পেলে একবার তার জুচুরি বৃত্তি ঘুচিয়ে দি।

বলিতে বলিতে দরজার দিকে অগ্রসর হইল
ও হাণ্টার আফালন করিল।

হাণ্টারের শব্দের সঙ্গে সঙ্গে এবং

উদ্ভূত হাণ্টারের ঠিক সামনেই হাসিমুখে
বন্ধুবাবু প্রবেশ। তাঁহার পাকানো চাদর
ডাকুর গলায়, ছুড়ি খোকনের হাতে।
খোকনের অপব হাতে একটি রঙীন ঘুড়ি।
ডাকু এ হাতে বন্ধুবাবু হাত ধবিয়া আছে।
তাঁহারও অন্য হাতে একটি ঘুড়ি। হাণ্টার
নামাইয়া পৃথীশ পিছাইয়া আসিল। ছেলেরা
তাঁহাদের ঘুড়ি উচু কবিয়া দেখাইয়া বলিল—

মা, এই দেখ, কেমন ঘুড়ি। দাছু কিনে দিয়েছেন।

প্রসন্নবাবু স্বাভাবিক সৌজন্মে মাদর সম্ভাষণ
করিলেন

প্রসন্ন

এই যে, আসুন আসুন। আমি বলি বুঝি চলে গেলেন।

বন্ধু

না না, চলে যাইনি। এই একটু ঘুবে এলুম এদেব নিয়ে।

সুকুমাবী

আপনি আবার এসব খবচা কবতে গেলেন কেন কাকাবাবু?

বন্ধু

(কুণ্ডার সহিত) এ আর খবচা কী মা। সামান্য ছুটো পয়সা
বই তো নয়। অবশ্য আমার মতো গবীবের কাছে ছুটো পয়সা
সামান্য নয়। কিন্তু অনেক দিন কেউ আমার কাছে আব্দাব
করে কিছু চায় নি মা।

পৃথীশ

(অনাস্তিকে) দিদি, এই নাকি ?

মহালক্ষ্মী

আমি তো দেখিনি, এই বোধ হচ্ছে।

পৃথ্বীশ

হঁ, এবারে আব যেতে হচ্ছে না বুড়োকে।

খোকন

মা, আমরা কেমন একটা খু-উ-ব ভালো গান শিখিচি
দাছুর কাছে।

তাহার কথায় কেহ কর্ণপাত করিল না।

পৃথ্বীশ

নিশ্চয় এই। (উদ্ধতভাবে আগাইয়া গিয়া) আপনার
সঙ্গে একটা কথা আছে।

বন্ধু

আমার সঙ্গে ? বলুন। (তাহার দিকে ফিরিলেন)

প্রসন্ন

(বাধা দিয়া) তুমি থামো পিতৃ, আমি বলছি।

বন্ধু

(তাঁহার দিকে ফিরিয়া) বলুন।

ডাকু

না দাছু, তুমি...আপনি সেই গানটা আর একবার কর।

প্রসন্ন

দেখুন, কিছু মনে করবেন না, আপনার নামটি কী, জিজ্ঞাসা
করতে পারি ?

বন্ধু

আমার নাম ? আমার নাম—

খোকন

দাদুর নাম জানো না ? আমি জানি, দাদুর নাম বন্ধুবাবু ।

পৃথ্বীশ

(প্রসন্নবাবুকে জনান্তিকে) দাদা, ও-বকম ক'বে অত কিস্ত হয়ে কথা কইলে কি চলে ?

প্রসন্ন

ব্যস্ত হও কেন ভাই ? দেখো না কী রকম কথা কই । বাবসাদাব লোক, এতদিন কারবাব করে কি ভদ্রলোকের সঙ্গে কথা কইতেও শিখিনি ?

পৃথ্বীশ

(অপ্রতিভ হইয়া) না না, আমি তা বলছি না—

ইহাদের কী পরামর্শ হইতেছে মনে কবিয়া মহালক্ষ্মী ও পবে সুকুমারী ইহাদের কাছে আসিয়া দাঁড়াইলেন । পরস্পর নিম্নস্বরে কথা হইতেছে । সেই অবসরে ওদিকে ডাকু ও খোকন বন্ধুবাবুকে গান গাহিবাব জন্ত অনুরোধ কবিত্তে লাগিল, “ও দাদু, গাও না,” ইয়া, আমাদের সঙ্গে গাও, লক্ষ্মীটি, পরে তাহাদের কণ্ঠসহযোগে বন্ধুবাবুর গান শুরু হইল । প্রথম দিকে ছেলেরা “তায়পর কী,” “দাদু, জোরে জোরে গাওনা” ইত্যাদি বলিতে লাগিল । ক্রমে বন্ধুবাবুর সুর উচ্চ ও স্পষ্ট হইল ।

গান *

খেলার ছলে হরি ঠাকুর গড়েছেন এই জগৎখানা ।
চারদিকে সব খেলার মেলা, খেলা কেবল আনাগোনা ।

খেলতে খেলা ভবের বাসে

কোথেকে সব মানুষ আসে,

খানিক খেলে খেলনা ফেলে কোথায় যে যায় যায় না জানা ॥

গান শুনিয়া প্রথমে সকলে বিস্মিত হইল ।
পৃথ্বীশ প্রথমটা ইতস্ততঃ করিয়া কখন এক
সময়ে তবলা বাজাইতে লাগিয়া গেল ।
তখন মনে হইল বঙ্কুবাবু ও পৃথ্বীশের মধ্যে
অন্ততঃ সুরে তালে কোনো অমিল নাই ।
গান শেষ হইলে দেখা গেল বঙ্কুবাবু চোখ
মুড়িতেছেন ।

প্রসন্ন

(উচ্ছ্বাসিত ভাবে) থামবেন না, থামবেন না । আহা ।
আর একবার গান । পিতু বাজাও বাজাও । বাঃ, চমৎকার
বাজাতে শিখেছ তো ।

গান পুনরাবৃত্তি হইল

প্রসন্ন

আহা. চমৎকার গান । সত্যি, খেলার ছলেই বাটে ।

বঙ্কু

কে এই খেলা করতে বলেছিল প্রসন্নবাবু ? কী দরকার ছিল
তাঁর এই আনাগোনা করাবার ? (বলিতে বলিতে বিধাতার
প্রতি অভিমানের তাঁহার কণ্ঠ রুদ্ধ হইয়া আসিল)

* গানটি ৬প্রাজ্ঞকৃষ্ণ রায় রচিত ।

সুকুমারী

ঠাকুরঝি, ওঁর বোধ হয় অনেক ছেলেপুলে নষ্ট হয়ে গেছে।
আহা !

প্রসন্ন

চমৎকার গান, আর চমৎকার গলা আপনার।

বন্ধু

সাস্তুনার এই একটি মাত্র অবশিষ্ট আছে। (দীর্ঘশ্বাসের
সহিত) আর সবই গেছে, প্রসন্ন বাবু, আর সবই গেছে।

প্রসন্ন

আ-হা !

কিছুক্ষণ নীরবে কাটিল

বন্ধু

এবার তাহলে উঠি আমি।

প্রসন্ন

সে কী কথা। আপনি উঠবেন কী রকম ?

বন্ধু

আজ্ঞে হ্যাঁ, আজ আমি আসি।

মহালক্ষ্মী

পিতু, সরে পড়বার মতলব বুঝলি ?

পৃথ্বীশ

সে আমি সব বুঝি দিদি। খালি দেখছি কোথাকার অল
কোথায় গিয়ে দাঁড়ায়। (পৃথ্বীশেব কণ্ঠে পূর্বেই সেই উদ্ধৃত সুর
আর নাই।)

বন্ধু

আচ্ছা নমস্কার প্রসন্নবাবু। আমি মায়েরা। দাতু ভাই,
আমি যাই।

করজোড়ে সকলকে নমস্কারাদি করিয়া,
পাছে আবার অনুরোধ আসে, এই ভয়ে
বন্ধু তাড়াতাড়ি চলিয়া যাহতে উত্তত হইলেন।
তাঁহাকে অগ্রসর হইতে দেখিয়া মহালক্ষ্মী
আর অপেক্ষা করিতে পারিলেন না। তিনি
বলিলেন—

মহালক্ষ্মী

হ্যা দাদা, চাবিটা তাহলে কি—

প্রসন্ন

আচ্ছা আচ্ছা, সে হচ্ছে!

বন্ধু

(ফিরিয়া দাঁড়াইয়া) হ্যা, ভালো কথা। (সুকুমারীকে)
মা, তোমার চাবিটা যে আমার কাছে রয়েছে, বড্ড ভুলে
যাচ্ছিলুম।

প্রসন্ন

চাবি? আপনার কাছে?

মহালক্ষ্মী

(পরম তৃপ্তির সহিত) দেখ্, বউ দেখ্। আমার কথা
তো তোরা হেসে উড়িয়ে দিচ্ছিলি।

সুকুমারী মাথা নিচু করিয়া নীরবে রহিল।
যেন তাহার নিজের কাকাই চুরি করিয়া

ধবা পড়িয়েছে। চাবি বাহির করিতে বন্ধু বাবু কিছু নিম্ন হহল। এ পকেট ও পকেট দেখিয়া পবিশেষে ফতুরার পকেট হইতে চাবি বাহির হহল। একটি মাত্র চাবি, দড়ি বাধা।

মহানক্ষত্রী

ও কী ? ওটা কী চাবি ?

বন্ধু

ঐ যে তোমাদের মিষ্টিক ভাঁড়ার চাবি মা। ব্রাহ্মণ ভোজন হয়ে গেলে পব আমি ভাঁড়ারে চাবি দিয়ে এসেছি। এটা রাখো মা।

সুকুমারী

(তাঁগাব হারানো বিং নয় বলিয়া অশ্রুয় খুশী হইলেন)
দিন কাকাবাবু। (হাত বাড়াইলেন)

প্রসন্ন

(তাঁহাকে বাঁধা দিয়া) দাও দাও, আমার কাছে দাও। তোমার যা ভুলো মন। আবার এটা কোথায় বেখে বাড়ী শুদ্ধ হুলস্থূল করে তুনবে। (চাবি লইয়া) বরং আমার রিংএ এটা লাগিয়ে রাখি। ভাঁড়ারের এ চাবিটাও হারালে রাত্তিরে অভ্রমে পড়তে হবে।

বলিতে বলিতে ট্যাক খুলিতে লাগিলেন। পাকের পর পাক খুলিয়া চাবির রিং বাহির করিয়া তাহাতে যখন ভাঁড়ারের চাবি লাগাইতে গেলেন, তখন দেখা গেল রিং হইতে একটি দীর্ঘ চেন ঝুলিতেছে।

প্রসন্ন

এটা আবার লাগালে কে ?

সুকুমারী

ওমা ! ঐ তো আমার চাবি গো ! ঐ তো—

মহালক্ষ্মী

ঐ তো সেই দেড় হাত চেন !

প্রসন্ন

সে কী ? এটা তোমার চাবি ? তাহলে আমার চাবি কোথায় গেল ? (সুকুমারীর প্রসারিত হাত হইতে চাবি সবাইয়া লইয়া) রোসো, রোসো আমার চাবিটা— (বলিতে বলিতে নিজের ট্যাঁক অনুভব করিয়া) ও—, এই যে আমার চাবি রয়েছে । (বাম ট্যাঁক হইতে নিজের রিং বাহির করিয়া দুইটি রিং মিলাইয়া দেখিয়া) তাহলে এটা তোমারই বটে । এই নাও, সাবধানে রেখো, বুঝলে ? আবার যেন হারিও না । (চাবি দিলেন)

মহালক্ষ্মী

(তিরস্কারের সুরে) তুমি ট্যাঁকে করে নিয়ে বসে আছ ! আর এদিকে এই ছলছুল কাণ্ড ! ধম্মি বলি দাদা তোমাকে !

প্রসন্ন

(অপ্রতিভ হাসিয়া) তোরা ছলছুল কাণ্ড করলি তা কী বলব বল্ । আমি তো গোড়া থেকে বলছি কোথায় আছে ঠিক পাওয়া যাবে । এই দেখ পাওয়া গেল তো । তোদের খালি মিথ্যে ব্যস্ত হওয়া বই তো নয় ।

সুকুমারী

তা হ্যাঁ গো, তোমার কাছে আমার চাবিটা গেল কী করে ?

প্রসন্ন

আমার কাছে ? আমার কাছে—, তুমিই দিয়েছ নিশ্চয় ।

সুকুমারী

আমি আবার কখন দিলুম তোমাকে ? শোনো কথা ।
কক্ষণো আমি দিইনি ।

প্রসন্ন

বাঃ, তুমি না দিলে আর কে দেবে ? আমি কি আর চুরি
করতে গেছি ?

সুকুমারী

না না, আমি কক্ষণো চাবি দিইনি তোমাকে ।

প্রসন্ন

তুমি দাওনি ? তবে কে যেন দিলে আমাকে..., কে
দিলে—(চিস্তিত)

বঙ্কু

প্রসন্নবাবু, আমি একটা চাবি আপনার হাতে দিয়েছিলুম—
সেই দুপুর বেলায়, সোফায় পড়েছিল—

প্রসন্ন

ও—হ্যাঁ হ্যাঁ, আপনিই দিয়েছিলেন বটে । বড় উপকার
করেছিলেন আপনি, বড় উপকার করেছিলেন মশায় । তা
নইলে আর কি পাওয়া যেত ? ভাগ্যে আপনি দিয়েছিলেন,
নইলে এদের যা ভুলো মন, ও চাবি তো গিয়েইছিল ।

সুকুমারী

দেখলে ? তখন ঠাকুরঝির সঙ্গে কথা কইতে কইতে কখন
আঁচল থেকে খসে পড়েছে, দেখেছ ঠাকুরঝি ?

মহালক্ষ্মী

তুমিই দেখ ভাই ।

বন্ধু

তাহলে যদি অনুমতি করেন, আমি এবাব আসি, প্রসন্নবাবু ।
আসি মা, দাদু ভাই আমি চল্লুম ।

সুকুমারী

না কাকাবাবু, সে হবে না—

খোকন

না দাদু, আপনি এখুনি যাবেন না ।

প্রসন্ন

বিলক্ষণ, আপনার তো এখনো খাওয়াই হয়নি ।

বন্ধু

আজ্ঞে হ্যাঁ, আমি সববৎ মিষ্টি খুব খেয়েছি । মা আমাকে
আসবা মাত্রই দিয়েছেন ।

সুকুমারী

সে তো ভারি ! না না, আপনার না খেয়ে যাওয়া হতেই
পারে না ।

বন্ধু

(বিব্রত হইয়া) আজ থাক, মা, আমি আর একদিন
এসে খেয়ে যাব । আমার তো এক রকম ভিক্ষে করেই খাওয়া ।

আজ তুমি আদর করে বলছ, তাব আবার কথা। কিন্তু আজকের দিনটা—আজকের দিনটা তুমি মাপ কর মা।

প্রসন্ন

সে কী করে হবে? আজকের দিনে না খেয়ে যাওয়া—সে হতেই পারে না। কী বল পিতু? তুমি একটু বল না।

পৃথ্বীশ

তা তো বাটেই। তা, আপনি খেয়ে দেবেই যান না, ইয়ে—বন্ধুবার।

ডাকু

হ্যাঁ দাছ, তুমি—আপনি নেমন্তন্ন খাবেন কিন্তু।

বন্ধু

(বিব্রত ভাবে) তাই তো। আপনারা এত কবে বলছেন, আমি আর না বলতে পারছি না। কিন্তু তাহলে আগে আমার কয়েকটি কথা আপনাদের শুনতে হবে। তারপর যা আমাকে আদেশ করবেন।

প্রসন্ন

বলুন না, বলুন।

বন্ধু

বলি। (কী করিয়া আবস্ত করিবেন ভাবিয়া পাইতেছিলেন না) দেখুন, আপনারা কেন আমাকে এত খাতির যত্ন করছেন তা আমি জানি না। বোধহয় আপনাদের প্রকৃতিই এই। কিম্বা অশু কোন লোকের সঙ্গে আমাকে ভুল করেছেন। আমি অবশ্য সে লোক নই। আমি আপনাদের

চিনি না। না, এখন আর চিনি না বলি কী করে। কিন্তু আপনারা তো আমাকে চেনেন না। আমি হচ্ছি —আমি —আমি একটা জোচ্চোর। হ্যাঁ জোচ্চোর ছাড়া আর কী বলব। তবে আপনাদের আমি ঠকাতে পারিনি, আমি নিজেই ঠকে গেছি। (মহালক্ষ্মী ও পৃথ্বীশ পরস্পরের দিকে চাহিল) কিন্তু আমি অণু কোনো জোচ্চুরি করি না। প্রসন্নবাবু, কেবল বিনা নেমস্তম্বে লোকের বাড়ী খেয়ে বেড়াই। তাও পেটের জ্বালায়।

প্রসন্ন

থাক্ থাক্ সে কথা বন্ধুবাবু।

বন্ধু

না প্রসন্নবাবু, আমার জন্মে আপনি লজ্জা পাবেন না। এখানে আমি নিজে ধরা দিচ্ছি, আর কত জায়গায় খেতে বসে ধরা পড়ে গিয়ে ছুশো লোকের সামনে অপমানিত হয়ে উঠে এসেছি। সুতরাং আপনি লজ্জিত হবেন না।

প্রসন্ন

তা না, সে কথা নয়। বলছি এখন এত বেলায় আর কী দরকার ওসব কথায়।

বন্ধু

(নিজের কথার সূত্র ধরিয়া) আজ কিন্তু আপনাদেরই বাড়ীতে আসব বলে আসিনি। এদিকে কোথায় নাকি একটা শ্রাদ্ধবাড়ী—

প্রসন্ন

ও সব কথা যেতে দিন, ও-রকম হয়েই থাকে। আপনি

অশ্রু কথা বলুন না। আর না হয় তো একটা গান
ধকন ববং। কী বল গো ?

বন্ধু

আচ্ছা, আমি সংক্ষেপেই বলছি। (মিনিট খানেক মাথা
নীচু কবিয়া ভাবিতে লাগিলেন। যখন মাথা তুলিলেন, তখন
চোখে জল ভবা বোধ হইল) চিরদিন এ-রকম ছিলুম না প্রসন্ন-
বাবু। আমিও ভদ্রলোক ছিলুম, (মহিলাদেব ও ছেলেদের নির্দেশ
করিয়া) এই বকম সংসার, এই বকম ছেলে মেয়ে—(বলিতে
বলিতে কাঁদিয়া ফেলিলেন)—যাক্গে। কিন্তু এক মাসের মধ্যে
স্ত্রী ছেলে মেয়ে সব হাবিয়ে দেশে আর থাকতে পাবলুম না।
এক বস্ত্রে বাড়ী ঘর ভাগ কবে বেবিয়া পড়ি। তাবপর—
তারপর আর কী বলব। তাবপর এই তো অবস্থা দেখতে
পাচ্ছেন। (বলিতে বলিতে চাদর জামা ইত্যাদির পাটে পাটে
যে জীর্ণতা ও দীনতা এত যত্নে চাপা দিয়া রাখিতে চেষ্টা করিয়া-
ছিলেন—তাহাই প্রকাশ কবিয়া দেখাইতে লাগিলেন) কিন্তু শোক
চুঃখ যত প্রবলই হোক, উদর যে তা দেব চেয়ে প্রবল প্রসন্নবাবু।

(কিছুক্ষণ নীচবে কাটিল। সেই শুদ্ধতার
গৃহের বতাস যেন ভারি হইয়া উঠিল। প্রসন্ন
বাবু লজ্জায় ও সঙ্কোচে ত্রিয়মান হইয়া
অবশেষে বলিলেন—)

প্রসন্ন

তাইতো, আপনাকে তামাক দিয়ে গেল না তো। ওরে—

বন্ধু

আপনি ব্যস্ত হবেন না, প্রসন্নবাবু। তাবপর যা বলছিলুম।

একদিন আমিও যে মানুষের মতো মানুষ ছিলাম, এ কথা যেন মনেই পড়ে না। ভুলেই গিয়েছিলাম যে আমিও একদিন ভদ্রলোক ছিলাম। কিন্তু আজ আবার মনে পড়ল। অনেকদিন পরে আজ যখন একটি লক্ষীপ্রতিমা আমাকে কাকা-বাবু বলে ডাকলে, ছোট সোণার চাঁদ ছেলে দাদু বলে গলা জড়িয়ে ধরলে, ভদ্রলোকের বাড়ীতে ভাঁড়ার আগলাবার ভার দিলে আমাকে বিশ্বাস কবে, তখন আব জোচ্চুরি করে খেতে প্রবৃত্তি হ'ল না। তাই চলে যেতে চাইছি প্রসন্ন বাবু। তবে একটি ভিক্ষে করি, মাগো, অনেকদিন কারও আগনার লোক মাজতে পাইনি, যদি অনুমতি দাও মাঝে মাঝে এসে এই দাদুদের সঙ্গে একটু খেলা কবে যাব।

(কাঁদিয়া ঢেলে দুটিকে দুই হাতে জড়াইয়া ধরিলেন।)

পৃথীশ

আপনি থাকেন কোথায় ?

বন্ধু

থাকি ? থাকি কোথায় ঠিক বলা শক্ত। পাঁচটা দোকানে খাতা লিখে দি, দু পাঁচ টাকা যা পাই তাতে যা হোক করে হোটেলে দুটো খাই, আব ওদেরই মধ্যে একটা দোকানে আমাকে শুতে দিয়েছিল। কিন্তু কাল সে আশ্রয়টুকুও গেছে। তারা আজ অন্ত্র চেষ্টা দেখতে বলেছে। তাদের দোকান বাড়াচ্ছে, জায়গা সঙ্কুলান হবে না। যাই, এইবার বেলাবেলি গিয়ে ঘুরে দেখি, যদি কোথাও রাস্ট্রুকু কাটাবার মত একট আশ্রয় জোটাতে পারি।

সুকুমারী

(অঁচলে চোখ মুছিয়া) আপনার কথা তো আমরা সব
শুনলুম। এবাব আমার একটা কথা আপনাকে শুনতে হবে
কাকাবাবু।

বন্ধু

বল মা, কী তোমার ছকুম ?

সুকুমারী

ও কথা বলবেন না, ওতে যে আমাদের অকল্যাণ হয়
কাকাবাবু !

বন্ধু

আর্ছা মা, বল কী তোমার ইচ্ছে।

সুকুমারী

আপনার যাওয়া হবে না।

বন্ধু

(ম্লান হাসিয়া) সে আমি আগেই বুঝেছি। বেশ আমি
খেয়ে দেয়েই যাব। এত দিন বিনা নেমস্তম্ভে লুকিয়ে চোরের
মত খেয়ে বেড়িয়েছি, আজ স্বয়ং মা লক্ষ্মীর নেমস্তম্ভ পেয়ে
বুক ফুলিয়ে খেয়ে যাব।

সুকুমারী

না আপনার খেয়েও যাওয়া হবেনা। আপনার যাওয়াই
হবে না।

বন্ধু

(অতি বিস্মিত) র্যা— ?

প্রসন্ন

(দ্বীর প্রস্তাবে খুশী হইয়া) মানে বুঝতে পারছেন না ? বড় বউ বলছেন—যে ভুলটা উনি করেছিলেন সেইটেই নয় বজায় থাকুক না। আপনাকে উনি কাকাবাবু বলেছিলেন, আপনি কাকাবাবুই থেকে যান। ছেলেদেরও একটা দাছ থাকুক। আর পিতৃন গান-বাজনারও সুবিধে হবে, কী বল গো, এই না ?

বন্ধু

এ কী বলছেন আপনি প্রসন্নবাবু ! আমার মতো একটা লক্ষ্মীছাড়া, জোঁচোর লোককে আপনি বাড়ীতে আশ্রয় দেবেন ?

প্রসন্ন

আহা, আশ্রয় দেব কেন ? কী আশ্চর্য্য ! এতগুলো ঘর পড়ে রয়েছে, একটাতে শোবেন বইতো নয়। এতে আব আশ্রয় দেবার কথা উঠছে কেন ? সত্যি, আপনি দয়া করে থাকলে আমার ভারি উপকার হয় বন্ধুবাবু। এই বেপোট নতুন জায়গা, কাউকে চিনি না, জানিনা, সারাদিন আমরা ছু'ভাই বাইরে বাইরে থাকব, তবু আপনার মতো একজন প্রবীণ লোক বাড়ীতে থাকলে কত বড় একটা ভরসা থাকে বলুন তো। চোর ডাকাত তো চারিদিকে ঘুরছে। কী বলিস লক্ষ্মী ? (হাস্য)

মহালক্ষ্মী

(গম্ভীর হইয়া) ছ' ।

বন্ধু

না না, প্রসন্নবাবু, বুড়োমানুষ বলে এত দয়া—, না না,

আমাকে ক্ষমা করবেন। চিরকালের জন্মে আপনার গলগ্রহ হয়ে থাকতে আমার মতো জোঁচোর লোকেরও—

পৃথ্বীশ

গলগ্রহই বা হবেন কেন বন্ধুবাবু? ছেনে দুটোর জন্মে মাষ্টার মশাই এক জন ঠিক করার মস্ত সমস্যা ছিল, সেটা আপনি দয়া করে মিটিয়ে দিন না। আর আমাকেও একটু যদি (ইঙ্গিত ও তবলা দেখাইয়া) সাহায্য করেন, তাহলে—

প্রসন্ন

ঠিক ঠিক, তাহলে খালি বড় বউয়েব ভুলটাই নয়, দাদার ভুলটাও সংশোধন হয়ে যায়। বাঃ বাঃ, পিতু, বড্ড মনে করিয়ে দিয়েছ।

বন্ধু

(চুই চোখে জল ভনিয়া আসিয়াছে, কয়েক মুহূর্ত নীরবে প্রসন্ন, পৃথ্বীশ ও সুকুমারীর দিকে চাহিয়া চাদর দিয়া চোখ মুছিয়া বলিলেন) আর আমার কিছু বলবার রাখলেন না। অন্ন ও গৃহই শুধু নয়, আজ আমাকে সম্মান পর্য্যন্ত দান করলেন। দেশ নেই ঘর নেই, আত্মীয় স্বজন বহুদিন আমাকে ছেড়ে গেছে। আজকের রাতটা কোথায় কাটা'বো তাই ভেবে পাগল হচ্ছিলুম, আর ভগবান আমার সকল সমস্যা চিরদিনের মতো মিটিয়ে দিলেন। আজ গৃহ প্রবেশ, আজ গৃহ প্রবেশই বটে। (চোখের জল ঝরিয়া পড়িল।)

প্রসন্ন

তা হলে পিতু, তুমি ওঁকে ওপোরে নিয়ে যাও, তামাক

টামাক—(জনাস্তিকে) আর দেখ, একটা কাপড় জামা বার করে দিও ভাই।

পৃথ্বীশ

আমুন।

পৃথ্বীশ অগ্রসর হইল, তাহার হাণ্টারটা পড়িয়া গেল। বন্ধুবাবু দেখিয়া বলিলেন—“এই যে এটা আপনার”—পৃথ্বীশ লজ্জিত ভাবে সেটি লইয়া দ্রুতপদে প্রস্থান করিল। পশ্চাতে বন্ধুবাবু ও ছেলেরাও বাহির হইয়া গেল।

বাহিরের দিক হইতে নিখিলের প্রবেশ

নিখিল

নাঃ, No trace, রাস্তায় কোথাও পাত্তা পাওয়া গেল না। তবে আপনারা খুব সাবধানে থাকবেন দাদা।

প্রসন্ন

(হাসিমুখে) না, না, সে সব মিটে গেছে ভাই। আর ভয় নেই।

নিখিল

ভয় নেই কী বলছেন? চলে গেছে বলে ভাবছেন, আর ভয় নেই? এই বায়েই তো real ভয় আরম্ভ হল। বাড়ীর ভেতরের প্লান সব দেখে গেছে, এখন তো anything may happen, at any moment. যাক, আপনি ভাববেন না। আমি আসবার সময় থানায় একটা ডায়রী লিখিয়ে দিয়ে এসেছি, অগাকে দিয়ে একটা descriptionও দিয়ে দিলুম। সাবধানের বিনাশ নেই, কী বল গো?

মহালক্ষ্মী গম্ভীর মুখে ঠোঁঠ ও হাত উল্টাইয়া
অশ্রুদিকে চাহিয়া রহিলেন

প্রসন্ন

ও, তুমি সেই বন্ধুবাবু জগ্গে ভাবছ ?

নিখিল

বন্ধু ফন্ধু জানি না, সেই বুড়োর কথা বলছি।

প্রসন্ন

হ্যাঁ, তাঁরই নাম বন্ধুবাবু, তিনি তো—

নিখিল

চলে গেছে বলে নিশ্চিত হবেন না দাদা।

প্রসন্ন

না, চলে যাবেন কেন ? তিনি তো রয়েছেন ওপোরে।

নিখিল

ওপোরে রয়েছে ? কক্ষনো না। আমি বেশ করে
দেখেছি, every nook and corner দেখেছি।

সুকুমারী

হ্যাঁ হ্যাঁ ভাই, আছেন। তিনি ফিবে এসেছেন।

নিখিল বিষ্ময়ে হ্যাঁ করিয়া চাহিয়া রহিল

প্রসন্ন

সে তোমাকে সব পরে বলবখন। চমৎকার লোক।
আর কী চমৎকার যে গান করেন। তুমি ব্যস্ত হয়ো না,
সন্ধ্য বেলায় শোনাব তোমাকে।

নিখিল

বটে !

সুকুমারী

ঠাকুরজামাই, ভাই, রাগ ক'রো না। আমার চাবিটাও
পাওয়া গেছে, এই বাড়ীতেই।

নিখিল

You do'nt say so ! চাবি পাওয়া গেছে ? এই
বাড়ীতেই ?

সুকুমারী

(হাসিমুখে ঘাড় নাড়িয়া) হ্যাঁ ভাই, এই বাড়ীতেই।

নিখিল

That's very bad ! কোথায় ছিল ?

মহালক্ষ্মী

(আর চুপ করিয়া থাকিতে পারিলেন না। হাত বাড়াইয়া
প্রসন্নকে দেখাইয়া বলিলেন) ঐ ঠুকে জিজ্ঞাসা ক'র, ঠুকে।

বনিয়ত আবার গম্ভীর মুখে অন্য দিকে
দৃষ্টি নিবন্ধ করিলেন

প্রসন্ন

(লজ্জিত হাস্যে) ওটা আমার কাছেই ছিল হে। কখন
ট্যাঁকে রেখে দিয়েছিলুম, একদম খেয়াল ছিল না। ছি ছি ছি,
তবে হারাই নি আমি।

নিখিল

Good Gracious ! আপনার ট্যাঁকে ছিল ? (একটু

পরে কী মনে করিয়া উৎফুল্ল হইয়া বলিল) কিন্তু 'আমি বলেছিলুম চাবি চুরি যায়নি, বলুন বৌদি, বলেছিলুম কি না ?

সুকুমারী

হ্যাঁ ভাই, তা তুমি বলেছিল। কিন্তু তুমি এ-ও বলেছিলে যে চাবি হারাই নি।

মহালক্ষ্মী

আমি হাজার বার বলছি যে কথা, সে কথা মানা হল না।

নিখিল

হাজার বার যে কথাই তুমি বলে থাক না কেন, তা আমি এখনো মানতে পারলুম না, very sorry। আমি এখনো বলছি চাবি হারায় নি। আর চুরি তো যায়নি বটেই। তোমার দাদাব যত দোষই থাকুক না কেন, চোর তিনি নন, এটা মানা তো ? তবে যদি বৌদিব সঙ্গে খুনসুটি করবাব জগ্গে লুকিয়ে রেখে থাকেন, কী বলেন বৌদি ?

সুকুমারী

সে বয়েস আর নেই ভাই।

মহালক্ষ্মী

কিন্তু হারিয়ে তো গিয়েছিল।

নিখিল

No, my dear Sir, No, হারিয়ে যায় নি। তোমাকেই যদি প্রশ্ন করা যায়—'বৌদি চাবি কি হারিয়ে ছিলেন ?' অর্থাৎ Was it lost to her ? তোমাকে বলতেই হবে, "By all

means, No.” চাবি নিরাপদেই ছিল, in fact, safest custodyতে ছিল। তবে কিছুক্ষণের জগ্গে পাওয়া যাচ্ছিল না বটে। That's nothing, সেটুকু ধন্যবার মধ্যেই নয়। দাদা, এখন বোধ হয় বুঝতে পারছেন, হারিয়ে গেছে আর পাওয়া যাচ্ছে না, এ ছটোর তফাৎ? বাড়ীর কর্তার কাছে, master of the houseএর কাছে, বাড়ীর কোনো সম্পত্তি থাকলে সেটা কি হারিয়ে গেছে বলতে পারা যায়?

মহাশয়ী এত প্রবল যুক্তিতে পরাজিত হইলেন বটে; কিন্তু সঙ্গে সঙ্গে স্বামীর অসাধারণ কৃষ্ণ বিদ্যাবুদ্ধির পরিচয়ে স্বামীগর্বে তাঁহার মুখ উজ্জল হইয়া উঠিল। প্রসন্নবাবু স্মিতমুখে এই বক্তৃতা উপভোগ করিলেন এবং যুক্তির সারবত্তা স্বীকার করিয়া মাথা নাড়িতে লাগিলেন। নিখিল বক্তৃতা শেষ করিয়া সকলের মুখের দিকে চাহিয়া এই নীরব প্রশংসা উপভোগ করিলেন। হঠাৎ সুকুমারী চঞ্চল হইয়া বলিলেন—

সুকুমারী

ওমা, আমার কী আকৈল দেখো। ঠাকুরজামাই সেই কোর্ট থেকে এসে অবধি এই দোড়ঝাপ বকাবকি করছেন, আমি একটু জল খেতে পর্য্যন্ত দিই নি। এসো ভাই, তুমি ভেতরে এসো, একটু কিছু—

নিখিল

না বৌদি, আমি একেবারে বাড়ীই যাই। এই নাগপাশের বন্ধন থেকে মুক্ত না হলে গলা দিয়ে কিছু গলবে না।

সুকুমারী

তা এখানেই কাপড় ছাড় না ভাই, কাপড় দিচ্ছি।

নিখিল

গাড়ী রয়েছে, কতক্ষণ আর লাগবে। আর ছেলেগুলোকে
আনতে হবে। আমি যুবুই আসি।

প্রমত্ত

হ্যাঁ হ্যাঁ। তুমি আন ওকে দেনি কবিয়ে দিও না। নিখিল,
তুমি ভাই সকাল সকাল এসো। তুমি এসে দাঁড়ালে আমি
একটা মস্ত ভরসা পাই। নিখিল প্রস্থানোদাত

মহালক্ষ্মী

ওগো দেখ. ভালো কবে দরজা জানলাগুলো বন্ধ করে যবে
চাবি দিয়ে এসো। আর আলমাঝিৎ চাবিটা যেন—

নিখিল

(দ্বারের কাছে ফিবিয়া দাঁড়াইয়া) হ্যাঁ নিশ্চয়। আমি সব
দরজা জানলায় চাবি দিয়ে আসব বই কি। আর সব চাবি
এনে রাখতে দেবো তোমার দাদার কাছে, কাকে বগেও টেব
পাবে না। কী বল? (হাসিতে হাসিতে প্ৰস্থান)

মহালক্ষ্মী

দাদাকে ঠাট্টা! নিজে যেন কিছু ভুল করেন না। (ফিবিতেই
নজর পড়িল নিখিল টুপি ফেলিয়া গিয়াছেন) এই দেখ বাবুর
ছ'সিয়ারি, এখানে টুপি ফেলে গেছেন আর কাল বেবোবাব
সময় আমার মাথা খেয়ে ফেলবেন।

(দ্রুত টুপি লইয়া প্ৰস্থান)

প্রসন্ন হাস্য করিতেছিলেন। সুকুমারী ধীরে ধীরে আগতিয়া আসিয়া তাঁহার পারের কাছে প্রণাম করিতে তিনি বিস্মিত হইয়া বলিলেন—

প্রসন্ন

এ কী, এ কী, তোমার আবার এ কী কাণ্ড ?

সুকুমারী

(প্রণামান্তে) কাণ্ড আবার কী ? আজকের দিনে তোমায় একটা পেন্সামও করব না ?

প্রসন্ন

আজকের দিন কালকের দিন আর কী, রোজই তো তোমার—

সুকুমারী

তা হোক, তুমি আজকের দিনে আর একটা করতে হয়।

প্রসন্ন

তা বেশ করেছে, বেশ করেছে।

সুকুমারী

বেশ করেছিই তো। দেখ, আমাকে লোকে বোকা বলে, আমি তো বোকাই। কিন্তু তোমাকে যারা চিনতে পারে না, তাদের মতন বোকা নই আমি।

প্রসন্ন

(সহাস্তে) কে আবার আমাকে চিনতে পারলে না ? যাক, তুমি তো চিনতে পেরেছ, এই আমার ভালো।

সুকুমারী

চিনতে পেরেছি এত বড় অহঙ্কার আমি কবব না । তবে
এইটুকু বলি, সংসাবে তোমাব মতন লোক যদি আশু বর্ষে
থাকত, তাহলে— (আবেগে কণ্ঠ কঁদে উঠল)

প্রসন্ন

হ্যাঁ হ্যাঁ, বুঝতে পেরেছি । আচ্ছা সে-সব কথা পাবে
হবে'খন । এখন অনেক কাজ পড়ে বয়েছে । চাবিদি ক বন্ধ ।

সুকুমারী

থাকুক বন্ধাট, তুমি এসো, একটু কিছু মুখে দেবে এনো ।

প্রসন্ন

চল, তোমাদেরও তো খাওয়া দাওয়া হয়নি ।

সুকুমারী

এই যে সবই হবে । তুমি এসো না ।

(প্রশ্নান)

প্রসন্ন

হ্যাঁ, এই এদিকটার একটা ব্যবস্থা কবেই যাচ্ছি । জগা,
জগা কোথায় গেলি তাবার—

বলিতে বলিতে প্রশ্নান । এক মুহূর্তে
একদিক হইতে জগার ও অগ্রদিক হইতে
পৃথাকের প্রবেশ ।

কইবে জগা, কার্পেটটা কি তুই ওপোরে আনবি ? না, কী ?

জগা

এই যে নিয়ে যাই ছোটবারু ।

পৃথিবীর প্রস্থান। জগা কার্পেট গুটাইয়া
তুলিবার চেষ্টা করিতেছে, এমন সময় “জগা,
জগা” বলিয়া ডাকিতে ডাকিতে প্রসন্নবাবুর
প্রবেশ।

প্রসন্ন

এই যে, এটা পাতছে। তো ? হ্যাঁ, পেতে ফেল চট করে,
থার দেবী নয়, বুঝলে জগ ?

জগা

কার্পেট ? হ্যাঁ, তাইতো পাতছি বড়বাবু।

প্রসন্নবাবুর প্রস্থান

জগা কার্পেট পাতিতে শুরু করিবার পর
ভিতর হইতে পৃথিবীর ডাক আসিল—‘জগা।’
জগা অশ্রু কার্পেট গুটাইতে গেল। তারপর
কী ভাবিয়া কার্পেট ছাড়িয়া দিয়া সেই
কার্পেটে দৃষ্টি নিবদ্ধ করিয়া গভীর চিন্তামগ্ন
হইয়া দাঁড়াইয়া রহিল।

যবনিকা নামিল



কানাই বসুর
সর্বজন প্রশংসিত সুপ্রসিদ্ধ কথাসচিত্র
পয়লা এপ্রিল ২

শ্রীযুক্ত রাজশেখর বসু (পরশুরাম) বলেছেন :—

আপনার 'পয়লা এপ্রিল' প'ড়ে সুখী হয়েছি। আপনার ভাষা
আর প্রট দুইই সরল আর উপভোগ্য।”

আনন্দবাজার পত্রিকা (১৭ই পৌষ ১৩৫০) বলেছেন :—

“মামুলী ধরণের নয়, বিশেষত্ব সহজেই দৃষ্টি আকর্ষণ করে। পাঠক
সমাজে এট বই সমাদর লাভ করিবে, তাইই আমাদের বিশ্বাস।”

Amrita Bazar Patrika (24. 1. 44) says —

“The author has already earned popularity as a
short story writer of merit, He knows the art of
individualising his subject by manner truly original
Long after you have finished the book, you will find
episodes from it hovering in your mind.”

বঙ্গশ্রী (আশ্বিন ১৩৫১) বলেছেন :—

“কানাট বাবু গল্প বলিতে জানেন, বে গল্পে হাসি, অশ্রু ও সমস্তায়
একত্র সংমিশ্রনে আমাদের পারিপার্শ্বিক সমাজচিত্রই বিশেষভাবে
স্পষ্ট হইয়া উঠিয়াছে।...”

উষা পাবলিশিং হাউস এবং সকল প্রধান পুস্তকালয়ে
পাওয়া যায়।

আধুনিক কথা-সাহিত্যে অভূতনীয় সৃষ্টি
কানাই বসুর

রঙ ছুট ১৮০

শ্রীযুক্ত উপেন্দ্র গঙ্গোপাধ্যায়—

“আপনার ‘রঙ ছুট’ পাঠ করে সত্যি খুসি হয়েছি। বিশগবস্তুর স্নিগ্ধ সংস্থাপন এবং সংযত চিত্তাকর্ষক ভাবার মধ্য দিয়ে কাহিনীকে প্রবাহিত করিয়ে শিল্পোচিত সমাপ্তিতে উপনীত হওয়া—এই উভয় বিষয়েই আপনি অসুলভ ক্ষমতার পরিচয় দিয়েছেন।”

শ্রী রাজশেখর বসু—

“Sober writer-দের মধ্যে আপনার স্থান কারও নীচে নয়।”

শ্রীযুক্ত কেদার বন্দ্যোপাধ্যায়—

“তোমার ভাষাটি বড় ভালো লাগলো। গল্প লেখবার বেশ উপযোগী—সরল, সরস, সাহিত্যের কাগদা কাগুন অক্ষুণ্ণ রাখে, অথচ মাথায় হাত ঘুরিয়ে কান দেখায় না,—রস একে যায় না। বেশ সুখপাঠ্য।

“তোমার ‘রঙ ছুট’ অবাধে সকলের হাতে দেওয়া চলবে, আশা করি সকলেই উপভোগ করবেন। তুমি দেশকে কিছু দিতে পারবে সেই আশা করি।”

উষা পাবলিশিং হাউস এবং সকল প্রধান পুস্তকালয়ে
পাওয়া যায়।

ভাল ভাল কল্পকথানি নষ্ট



সন্তান—বাণীকুমার	মূল্য—৪ টা
প্রশংসিক—প্রভাত মুখোপাধ্যায়	মূল্য—২ ”
আকবরের রাষ্ট্রসাধনা—এস্ ওয়াজেদ আলি	[বি, এ, (কেণ্টাব), বার-এ্যাট্]
	মূল্য—২ টা
নাবিক—প্রবোধ মুখোপাধ্যায়	মূল্য—২ ”
বিপ্লব—রাজজিৎ সেন	মূল্য—১৫০ আন
২৩শে জানুয়ারী—দীনেশ গঙ্গোপাধ্যায়	মূল্য—২।০ টাকা
বন্দনা—সাবিত্রীপ্রসন্ন চট্টোপাধ্যায়	মূল্য ৫ টাক

প্রকাশক :

ডেবা পাবলিশিং হাউস

৩৪, মহিম হালদার স্ট্রীট, কালীঘাট
কলিকাতা ।

